

HOBANENG E NE E KA

KHONA E BE MOLISA

¶ . . . ke a kholoa, moreri ea batlang a le leleme le mokhaba-khaba. 'Me kantle ho thuto, ke—ke kholoa bathong ba bang ke sa utloahale joaloka moreri. Mme ebile ha ke—ke itlalehe ho ba moreri, ke batla ke le thaere ea sephere feela. Empa ke utloa ke tšoere Molaetsa ho tsoa ho Molimo, oo ka mokhoa oa ka (mokhoa o le mongke tlamehang ho O hlahisa), ke ntse ke leka ho O hlahisetsa lefatše. 'Me haeba ke sa tiisetse Molaetsa oo, ke tla be ke le lehlabaphieo ho Molimo le moikaketsi ho lona. Motho ea ka buang se seng a ntoo lumela se seng, ke boikaketsi boo. Re tšoanelo ho bua 'nete ho tsoa pelōng tsa rōna. Etlereha batho ba re talima, koana ba sa lumellane le rōna, re batla ho ba monna le basali ba hlomphehang: re bue ho tsoa pelōng ea rōna, 'nete e lipelōng tsa rōna.

² Ngoahola, kapa ngoahola-kola, ke fuoe monyetla oa ho bua e—e o Mokreste . . . kapa le ntšoarele, molaetsa oa Keresemose, mona Ramada. 'Me ke kholoa ke buile ka temana, mona kapa Phoenix, ka: *Hobaneng Motsana Bethlehem?* 'Me kea lumela e ne e le mona, ngoahola, ke buile ka: *Re Bone Naleli Ea Hae Bochabela* 'Me Re Tlide Ho Mo Khumamela.

³ 'Me, le a tseba, re balo Bibele, 'me re a ipotsa, lintho tseo "bo-Hobaneng?" 'Me bosiung bona ka hopola, haeba le ka 'mamella nakoana, la rapela le 'na, ke tla leka ho le tlietsa molaetsa oa ka oa Keresemose. Ke Molimo o inotši o tsebang re tla be re le hokae Keresemose e tlang, haeba Keresemose e 'ngoe e tla hlahlama ena. Erekaha ena e ka ba Keresemose ea rōna ea ho qetela eo re lutseng 'moho, hofihlela re lutse tafoleng e 'ngoe. 'Me E ke ke ea eba ea mofuta ona, empa etlaba mohla re jang re noang selallo le Eéna 'moho, 'Musong oa Ntate qetellong ea tsela. 'Me hape, a re e atameleng bosiung bona eka hojane e le molaetsa oa Keresemose ea ho qetela moo re tla lula 'moho le ka mohla, ka botšepehi bo tébileng.

⁴ Ke batla ho bua ka temana e sa tloaeleheng bosiung bona, empa ka linako tse ling u fumana Molimo nthong e sa tloaeleheng. O etsa lintho ka tsela e sa tloaeleheng. E seng ka tsela e tloaelehileng, ke ka tsela e sa tloaeleheng, ka linako tse sa tloaeleheng, litšeng tse sa tloaeleheng, ha O a tloaeleha. 'Me ke batla sena . . . ha Morena a ratile, ke batla ho bua ka temana ea: *Hobaneng E Ne E Ka Khona E Be Molisa*.

⁵ 'Me joale pele re atamela Lentsoe, etsoe ke lumela hoo e le Molimo, "Lentsoe le ne le tšimolohong, 'me Lentsoe le ne le le ho

Molimo, 'me Lentsoe e ne e le Molimo. 'Me Lentsoe le ne le etsoe nama la aha hara rōna."

⁶ Joalokaha ke boletse, veke e fetileng, kapa veke ea maoba mane Phoenix, "Ho pakiloe ha thoe li teng lintho tsa lefatše lena, batho, ba fetang ka moahong ona hona joale." Thelebishene e paka seo. Ke daemenshene e 'ngoe, mahlo a rōna a tlhaho le lithokhutlo tsa rōna tse hlano li sitoa ho e thonaka. Ha se hore thelebishene e bopa letho, e mpa e e sunya mocheng. U ke ke ua sisinya monoana oa hao, u ke ke ua panya, empa ho pakiloe e hatisitsoe kamehla. Nka tšoha ke eme... Kapa monna koana Australia, ea tšoereng e—e lesira la thelebishene mona, ha se hoo feels empa e—e monna eo a ka bua, a sisinya monoana oa hae, a panya, kapa esita le 'mala oa liaparo tseo a li apereng, o tla manehoa mona leboteng; athe o koana Afrika, Australia, lefatše ho pota. Le a bona, selika sa maqhubu a ethere se teng. Ha ke khone ho e hhalosa, feels ke tseba a le teng. Ha ke kholoe e ka hhalosoa ke mang ruri. Ka hona, thelebishene e ka hulela ntho ena kahare 'me e hlakisa bonneta ba eona ka lithepa tsa mofuta, ba khona ho e halimisa leboteng.

⁷ Joale, mehleng ea Adama e ne e le teng mona. Thelebishene e ne e le teng mohla—mohla Elia a lutseng Thaba Karmele. E ne e le teng mohla Martin Luther, moprista e mocha eo, a neng a lahlela selallo fulurung le ho re, "Ke bohojana bo sa lomosoang! 'Me ba lōkileng ba tla phela ka tumelo." E ne e le teng mona mehleng eo, empa re sa tsoa e sibolla joale. 'Me ebile hape, Molimo o pontseng ea rōna bosiung bona, Mangeloi, libopiloeng tse mohlolo tse sa bonoeng ke thusakutlo ea pono ea rōna ea tlhaho. Empa ka letsatsi le leng e tla ba bonneta joaloka thelebishene joale, 'me e qaphakile hakaalo. Joale, ke ka lebaka leo ke lumelang Lentsoe.

⁸ Jesu o boletse, "Ekareha e mong a ekeletsa lentsoe Bibeleng ena, kapa a tlosa Lentsoe le le leng ho Eona, kabelo ea hae e tla tlosoa Bukeng ea Bophelo."

⁹ Ka hona, ha re inamiseng lihlooho tsa rōna ke hona, le pele re Le bala. E hlokolosi haholo! Motho mang ea koenneng 'meleng a ka phetla leqephe, feels E ka senoloa ke Molimo o inotsi.

¹⁰ 'Me ka lihlooho tsa rōna tse inamisitsoeng joale nqa lerôle leo re tsoileng ho lona, 'me ho tla khutleloa teng letsatsi le leng, ke a ipotsa... 'Me motsotsong o mahlonoko ona, re sa atamela Keresemose, ha e mong a ikutloa a hlile a ikutloa a se na tokelo 'me a batla ho hopoloa thapeleng ena, na uena (ntle le ho phahamisa hlooho ea hao) u ka phahamisetsa matsoho a hao ho Molimo le re, "Nkhopole, Morena, Keresemose ena"? Molimo a le hlohonolofatse.

¹¹ Ntate ea Maholimōng ea Halalelang ka ho Fetisa le Ramehauhelo, Molimo o Matlaohle, Ea bileng teng esale le tšimolohong, le pele naleli e hlahla, kapa athomo, kapa molek'hule. U entse lintho tsohle ka Jesu Kreste Mora oa Hao,

'me ka ho Eéna re neiloe lintho tsohle. Re a U leboha, bosiung bona, Morena, ka monyetla ona oo U re neileng ho phutheha 'moho, ho lemosoa le ho rutoa ke Moea o Halalelang. 'Me Moea o Halalelang o nka Mantsoe a Hao le ho re senolela Oona, hoba Jesu o boletse, "Mohla Eo Moea oa 'Nete a tlileng, O tla re hopotsa lintho tsena tseo Ke li boletseng le ho le bontša lintho tse tlang ho tla."

¹² Molimo, ha ho mang har'a rōna, hape ha ho e mong holim'a lefatše, ea nang le tōkelo ea ho toloka Lentsoe la Hao, hoba ho ngoliloe, "Lentsoe la Molimo ha le a tla ka ho itlhalosetsa ha motho." Ka lebaka leo, Morena, re rapela Moea o Halalelang ho re neha bosiung bona, e mong le e mong oa rōna, kabelo eo re e hlokang ho khotosofatsa tlala e pelōng ea rōna ho tsamaea haufi le Uena. Ha re a tšoanela, ha re a hloeka, ha re na tōkelo. Lumella Ngoana eo ea tsaletsoeng Bethlehem, ea phetseng bophelo bo phethethileng ka ho fetisa, 'me e le motho ea phethethileng a inotši holim'a lefatše, Ea inehetseng moputso A tle a hloekise rōna baetsalibe ba sa hloekang le ho re hulela poélanong le Ntate, bosiung bona Moea oa Oona o Halalelang (ka polelo ea Lentsoe) o re etsetse hoo.

¹³ Morena Molimo, ba kulang ba bangata naheng kajeno, pontseng ea moriana o khabane oo re kileng ra o sebelisa ho alafa, le moriana o khabane le likokelo tse khabane. 'Me koana har'a litšibollohali tsa rōna tsa mahlale, koana maloetse a ngatafetse ho feta kamoo lefatše le kileng la tseba, hobane sebe le ho se lumele li atile ho feta kamoo lefatše le kileng la tseba. Re thuse bosiung bona, Ngaka e Khōlō, le ho folisa bakuli har'a rōna.

¹⁴ Le ho re nea Moea, Moea oa sebele oa Keresemose. Holim'a kajeno... etlereha liboka tsa bohetene, lifate tsa Keresemose li khumameloa, lipale tsa mafosisa tsa e—e monna ea bitsoang Santa Klause, le mebutla ea rōna ea Paseka, le lifeshene tse fapaneng tseo lefatše la khoebo le nkileng monyetla ka tsona, li beeloe kathoko, Molimo. Ha re keneng ka ho Kreste Lentsoe, hoba re e kōpile ka Lebitso la Oona le bakeng sa Khanya ea Oona. Amen.

¹⁵ Haeba le ka phetla le 'na palo Mongolong o Halalelang, Santa Luka, khaolo ea 2. Le khona ho nkutloa hantle?

Na limaeke tsena li ka phahamisoa? Na le ka nkutloa hantle ka morao? Ha le khona, phahamisa letsoho la hao. Ke a leboha. Khaolo ea 2 ea Evangelio ho latéla Santa Luka.

Mehleng eo, ha hlaha taélo ea Sesare Augosto, e reng ho ngoloe palo ea baahi ba lefatše lohle.

(Lekhetho ena ea tsebjoa pele... e le 'musisi oa Siria.)

Eaba batho bohole ba ea ho ngoloe, ho e mong le e mong motseng oa habo.

Josefa le eéna a tloha Galelea, ho kena motseng oa Nazaretha, a ea Judaea, . . . motseng oa Davida, o bitsoang Bethlehema; (etsoe e ne e le motho oa ntlu ea Davida le oa leloko la hae:)

Ba ea ho ngoloa le Maria mosali eo a mo lebelelitseng, e neng e le moimana.

'Me joale, eaba, a sa le moo, matsatsi a ho phetheha ha hae a phetheha.

A beleha mora oa hae oa letsibolo, a mo phuthela maseleng, a 'me a mo robatsa ka sejelong; kahobane ho ne ho se sebaka sa bona tlung ea baeti.

Ho ne ho na le balisa naheng eo, ba phelang linaheng ba lebetse mehlape ea bona bosiu.

Joale, hang, lengeloi la Morena la ba hlahela, khanya ea Morena ea ba teela hare: 'me ba tšaba ka tšabo e khōlō.

Lengeloi la re ho bona, Se tšabeng: hobane, bonang, ke le borella thabo e khōlō . . . e monate, eo e tla ba ea sechaba kaofela.

Ke hore kajeno le tsoaletsoe 'Moloki motseng oa Davida, ke Kreste Morena.

Seo e tla ba pontšo ho lōna; Le tla fihlela lesea le phuthetsoeng, le robetse sejelong.

Eaba bongata ho ba . . . Eaba bongata . . . makhotla a leholimō bo phakisa bo eba le lengeloi leo . . . bōka Molimo, ba re,

Khanya e be ho Molimo maholimōng a holimō, le khotso e be lefatšeng, ho batho bao o khahloang ke bona.

Etse hobane, mangeloi a ba tlohele ho khutlela leholimōng, balisa ba buisana ba re, A re hle re eeng Bethlehema, re tle re bone taba eo e hlahileng teng, eo Morena a seng a re tsebisitseng eona.

Eaba ba phakisa ba e-ea teng, ba fihlela Maria, le Josefa, le lesea le robalitsoeng ka sejelong.

Etse hobane ba le bone, ba bolela kahohle taba tseo tsa ngoana tseo ba li boleletsoeng.

Bohle ba utloang ba makala ke litaba tseo ba li bolelloang ke balisa.

Haele Maria a boloka litaba tseo tsohle, a li nahana pelōng ea hae.

Balisa bona ba khutla, ba ntse ba rorisa Molimo ba o boka ka baka la tsohle tseo ba li utloileng le tseo ba li boneng, kamoo ba li boleletsoeng kateng.

Morena a eketse mahlohonolo a Oona palong ea Lentsoe la Oona.

¹⁶ Joale, ke e . . . Hobaneng ketsahalo e khōlō ena e senoletsoe balisa? Taba eo e ka batla e re hlolla. Ke ngotse Mangolo a 'maloa mona, le lintlha tse 'maloa tseo ke tla leka ho haola holim'a tsona, ho le hhalosetsa *hobaneng* ka bokhoni ba tsebo ea ka. 'Me mohlomong kamorao ho sena, Morena ka mohau oa Oona, bosiung bona, o tla suthisetsa *bo-hobaneng* hole le rōna. Empa na . . . Boholo ba rōna, ke a t̄sepa, ka mohla kapa ka nako e 'ngoe, le ipotsitse hobaneng ketsahalo e khōlōhali ena ea mehla eohle e senoletsoe balisa. Hobaneng E senoletsoe balisa e seng baithuti ba thutabomolimo ea letsatsi leo? Athe bona ba ne ba rupeletsoe ho Le utloa. 'Me hobaneng Le fihlile la feta barui, la t̄lela bafutsana? Hape, hobaneng Le fetile barutehi le ba bohlale, la fihlile ba ikokobelitseng le ba sa balang? Ho fumanoa lipots tse 'maloa tsa *hobaneng* lebakeng lena.

¹⁷ 'Me nka hlahisa lebaka le leng, lemoha, lesea le hlahetse Bethlehem. Etsoe Bethlehem ka phetolelo ea Seheberu, kamoo re fihletseng lilemo tse 'maloa mona, *Bethlehem* e bolela "ntlu ea bohobe ba Molimo." 'Me re e pakile Mangolong, O ne a ke ke fihlela nqa ese. Bethlehem e theiloe ke Rahaba le monna oa hae—oa hae. Rahaba e ne e le sehlola se neng se ferehane le mogenerale, a le kabelong ea—ea mabotho a Israele, hoba ba hape Jeriko. 'Me o lumetse Molaetsa oa Molimo ka tumelo, maemong a hae, 'me a bolokeha. 'Me ho tloha mono, mohla Joshua a neng a aba mafatše moo e mong le e mong a tlang ho aha teng, . . .

¹⁸ 'Me thuto e khōlō e teng eo ke t̄sepileng nka e hlahisa khetlo le leng Tucson, mabapi le bommé bao ba Baheberu ba tsoalang masea ao. Enereha a fehelo mahlabeng a pelehi a lesea leo, o bitsitse lebitso la lesea 'me hoo ha le hlomamisa malulong lefatšeng la pallo, ke morabe. Ntho e khōlō e teng, Lentsoe lohle la Molimo le nyalana 'moho. Haeba e sa nyallane 'moho, hase Lentsoe la Molimo le sa nyallaneng, mohopolo oa hao ke ona o sa nyallaneng le Lentsoe. Ntho eohle e nyallana 'moho.

¹⁹ Ka hona, ha ho le joalo, E ne e le Bohobe ba Bophelo, joalokaha re rutile veke e fetileng mane Phoenix, kapa veke ea maoba. Ka ho ba Bohobe ba Bophelo, O ne a ke ke a fihlela tulong ese. ntle le "ntlu ea bohobe ba Molimo." 'Me e ne e le lona lebaka la *hobaneng*. Joale, mona, Jesu o tsoaletsoe Bethlehem, 'me sinagoge e ne e le teng Bethlehem, baetapele ba baholo ba barapeli ba phetse Bethlehem. Davida e leng khosi-molisa e moholo o tsoaletsoe Bethlehem, ntata'e Jesse o tsoaletsoe Bethlehem, ntata'e moholo Obede o hlahetse Bethlehem. Hape, esita le motšeо koana, o ne a hlahe Bethlehem.

²⁰ 'Me mona, Jesu Mora oa Davida o tsoalloa Bethlehem, hantle tlas'a meriti ea dikhatederale tse khōlō. Haeba batho bao

ba koetlisitsoe, me esale ba shebeletse Messia lilemo tsena tsohle; lilemo tse likete li ne, Messia o ne a porofetiloe ho tla. Me haeba Messia a hlahetse seriting sa khatederale, hobaneng ba ile ile ba tlameha ho ea koana lithabeng sehlopheng sa ba sa balang, balisa ba sa koetlisoang ho tlisa Molaetsa o moholo, Molaetsa oa pele? 'Me ho ile ha rongoa balisa! Eseng ba bohlale le ba koetlisitsoeng, empa balisa. Ke mohlolo oa taba, ha ke re? Empa lebaka la *hobaneng* le tlameha ho hlaha nqa e ngoe... Lebaka la *hobaneng* le teng, joale karabo ea hobaneng e tlameha ho hlaha! Joale ha ho mang ea tsebang karabo kantle ho Molimo. Ke Oona o tsebang karabo.

²¹ Joale, le hopole, Messia o ne a se a le motseng, a tsoaletsoe motseng, setaleng; hantle pel'la dikhatederale tse kholo moo moprista e moholo... le baprista ba baholo, le baithuti ba thutabomolimo, le ba bohlale, le ba koetlisitsoeng, bohle ba le teng mono ba emetse Messia. Mme E ne e le eo, hantle lipakeng tsa bona! Empa hobaneng ba ile ho... kantle maralleng a Judaea ho ba sa balang, ba sa koetlisoa, ba sa hlaboloha, bafumanehi ba fetisang bohle? E bonahala e le mosebetsi o ronang motho ea joalo ka ho fetisa, ho senola Molaetsa le ho ba romela ho tlisa Molaetsa.

²² Na le tseba mohopolo oa ka? Mohlomong ha o mokaalo, empa ke batla ho fetisa mohopolo oa ka: ke lumela e le ka lebaka la bohlale ba Molimo, hoba O ba tsebile ba ka sitoa ho amohela Molaetsa oa mofuta oo kamoo O fihlang. O ne o sa lumellane le tatso ea thuto ea bona. O ne o fapane. Ba ne ba sa koetlisetsoa ho lumela A tla ba ka tsela eo. E ne e le khahlano le kutloisiso ea thutabomolimo ea bona. Koetliso ea bona eohle, thuto eohle ea bona ea fetoa mohoalotso, ea fetoloa lefeela. Ke lumela bohlale ba Molimo bo tsebile hoba ba ke ke ba amohela Molaetsa oa mofuta oo.

²³ Ka baka leo Messia o ne a fihlile mona, 'me motho o tlameha ho E eelлоа. 'Me O tsebile bao ba neng ba sa ka ba ithara linyeeng tsa mofuta oo. O ne a ka khona ho fetisetsa molaetsa oa Hae sehlopheng se sa rutehang, ho feta kamoo A ka khonang sehlopheng se tsoakaneng se neng se bopeletsoe mekhoeng ea sona hofihlela ho se letho ho ba fetola, esita le Lentsoe la Molimo le ne le ka sitoa.

²⁴ 'Me joale, motsoalle oa Mokreste, e re ke botse potso ena, ka botšepehi bohle le ka lerato. Ke a ipotsa haeba A ka etsa ketso e joalo le bosiusing bona, le ho re romella molokong ona Lentsoe la pallo le baletsoeng moloko ona, ke a ipotsa haeba baithuti ba thutabomolimo, le mesuoe, le ba bohlale, ba ke ke ba latola Molaetsa joaloka bona mohlang oo? Motho ha a fetohes, le Lentsoe la Molimo ha le fetohes. Ke Molimo o sa fetoheng, ha O fetohes!

²⁵ Lemohang, Mangeloi a tlang le . . . Mangeloi a theohang 'me a hlahisa Molaetsa o a oona ho monna oa boemo botlase hakaalo, athe monna o ne a le teng mono ea fetisang (ha re bua ho latela lefatše) ea koetlehileng ho feta mafutsana ana, a sa balang a balisa. Molisa e ne e le motho ea sa balang ho fetisa mang, a sa hloke ho tseba letho haese linku tsa hae. A sa hloke ho tseba lipalo tsa mathematiki. A sa hloke ho tseba mokhoa ho—ho petsola athomo. A sa hloke mangolo a thuto. A mpa a tlameha ho tseba linku tsa hae feela, e le phetho seo a neng a tlameha ho se tseba. 'Me Molimo, Bohlale bo boholo, le Seliba le mohloli oa bohlale bohole, a ka khetha motho ea joalo (batho, ke rialo, ba joalo), le ho feta baithuti ba koetlisitsoeng ka bokhabane ba rupetsoeng ho tseba Seo. E bua ka ntho e le 'ngoe, ke hore ba ne ba koetlisitse temeng e phoso. Ho feta ba bohlokaoa bohole ba lefatše; batho ba bohlokaoa ba ne ba le teng, baruti ba baholo, Kaiafa moprista e moholo, monna ba le bangata ba baholo, barutehi bohole ba baholo ba Iseraele, malumeli ohle a mekha, le baithuti bohole ba thutabomolimo ba ithorisang, Molimo o ba fetile bohole mohoalotso! Joale, boo ke bohlale ba Molimo.

²⁶ Lemohang, Maholimō a Holimō a titima ho hlohonolofatsa ba ithobileng le ba sa balang ka ho fetisisa ba lefatše. Leholimō le Holimō le theohile ho Itsebisa ba tlase ka ho fetisa ba lefatše, ho feta ba bang bohole mohoalotso lipakeng ho Itsebisa boramehlaape bo-e-seng-mang; ho fihla ho neha boramehlaape ba tlaase bana Molaetsa o moholo ka ho fetisa oa linako tsohle. Ho kile ha hлаha baromuoа ba bangata ba baholo. Re ka nahana ka matsatsi a Nohe, le baporofeta, le—le ka baprista ba baholo, le ba joalo, ba hlahileng matsatsing a fetileng. Monna e moholo oa moithuti, likhosи, batlotlehi, marenana, empa ke enoa O fihla ka o moholohali har'a Melaetsa. Molaetsa e ne e le ofe? "Messia o teng mona joale!" Le a bona? 'Me ho tsebisa seo, O fetile bohole ba koetlisitsoeng, ho e tsebisa balisa ba ithobileng.

²⁷ E nahaneng: tšebeletso eohle ea bolisa, banna bohole ba kereke, baruti bohole, koetliso eohle ea—ea thutabomolimo, chelete eohle e sebelisitsoeng, likereke tsohle, le lithuto, le malumeli, tsohle tsa fetoa mohoalotso! Holim'a lithuto tsohle tseo ba ikhathalitseng ka tsona holim'a hohle—boromuoа bohole, le ho konkolla hohle, botho bohole, le sohle seo ba hopotseng ba se entse ho hlompha Molimo, leha ho le joalo Molaetsa oa senotlolo sa ntho eohle o fetisitsoe pel'a bona mohoalotso. Mohlolо! Hobaneng? Le a bona?

²⁸ 'Me lemohang, hase hoo feela, empa tulo e sa hopoloang ka ho fetisa bakeng sa ketsahalo eo. Balisa, joale, e ne e le bona ba amohetseng Molaetsa. 'Me joale le shebe moo Molaetsa o nong o le teng: tulong e sa hopoloang ka ho fetisa eo mang a ka O hopolang ho fihla ho eona. 'Me ke a ipotsa, bosiusn bona, haeba re ne re shebeletse Molaetsa oa mannete oa Morena Jesu, ke a ipotsa haeba O ne o ka ba sehlopheng se sa hopoloang, tulo e

ne e . . . lefatše le leholo leo, le phahamileng ka thuto 'me kajeno kereke e ba hopole e le sehlopha sa—sa, oh, mahlanya? Ke a ipotsa haeba e se hona moo re neng re tla Mo fumana? Tulo e sa hopoloang ka ho fetisa, ho libui tse sa tšoarang litokelo ka ho fetisa. Balisa ha ba tseba letho ka ho bua, haese ho bitsa lnku feela; be, mohlomong ke lona lebaka leo O tlileng ka lona.

²⁹ Empa Lentsoe la pallo le ne le le teng. Lemoha, e ka boela ea etsa hoo.

³⁰ E ile ea feta batlotlehi bohole ba na ha mohoalotso. E ile ea feta batlotlehi bohole mohoalotso, 'me ea senoleloa bo-e-seng-mang. Batlotlehi bohole ba neng ba khabile ka—ka lingaka tse khōlō tsa khalalelo le—le saekholoji, le—le borutehi bo phahameng, le dikhatederale tse khōlō le lintho, ntho eohle ea fetoa mohoalotso ha senoleloa bo-e-seng-mang. Bohlale, bohlale bo sa felleng ba Molimo o Matlaohle bo entse hoo, ho ba tsebisa Molaetsa o moholo ka ho fetisa o kileng oa hlaha, "Messia o lefatšeng hona joale." Bohlale bo bokakang! Bo ne bo ka tsoa ho Molimo o inotsi o tsebang bohlale! Bohlale bohole le ho kena sekolo hohle, le ntho eohle, e ne e rapalalitsoe e senyehile 'me e fetuoe mohoalotso ke bohlale bo boholo ba Molimo. Ke lula ke e phetha hobane ke batla e thophothele botebong. Tsohle tsa rapalla li se na thuso, li ne li se na molemo. Ntho eohle ea fetoa mohoalotso ho suthela bohlale ba Molimo ho hapa litulo tse kapele, ho tle ho thoe Molimo o nka lintho tseo e seng letho ho li etsa letho.

³¹ Re ka ema mona ra bua ka Johanne. Re ka ema ra bua ka Elia. Ha ho mang ea tsebang moo Elia a tsoang teng. Sohle seo ba se tsebang, o hlahile temeng feela. Baporofeta morao ho haola le mengoaha, e ne e le bo-haholetho. Empa Molimo oa nka hoo ho . . . le ho feta e—e meralo ea bophelo ba kereke, le lithuto, ho etsa . . . ho supa hobane Ke Molimo. O nka ntho e seng letho, ho e fetola se seng. O supa bohlale ba Hae le Bo-Molimo ba Oona ka ho etsa hoo, hore O nka lintho tseo e seng letho. Mohla O bopang motho khetlo la pele, O nkile khoabi ea letsopa feela oa etsa motho ka eona. Athé pele e se letho haese letsopa, empa Oa etsa motho. 'Me Molimo o nka lintho tsee e seng letho joale, ho etsa lintho tsee e leng letho ka tsona. 'Me ha feela re ikhopola re le lintho tse itseng, re ke ke ra sebelisoa letsohong la Molimo. Re tšoanela ho téla sohle seo re kileng ra se tseba kapa ra ithuta sona. [Moena Branham o hlakisa 'metso oa hae—Mohl.] (Ntšoareleng.) Joaloka Santa Pauluse e moholo, o ipoletse a tlamehile ho lebala tsohle tseo a ithutileng tsona, a tle a tsebe Kreste.

³² Ho kena sekolo hohle ha bona, lithuto tsohle tsa bona le lintho tse joalo, li ba sebelelitse bobo bo fetisang. Qetellong ebile ea Mo latōla! Eona thuto ea sekolo eo ba ithutileng *ka* Eéna, ho lumela ho Oona, ea hlanoha ea Mo fetohela sera se bohale, le ho Mo thakhisa!

³³ Na le a tseba nalane e ipheta khafetsa-fetsa? Ke ntlha e tsebjoang. E ka boela ea ipheta malōka le rōna. “Oh,” u re, “Holane ka phela mohlang oo, . . .” Be, joale, ha u batla ho tseba seo u ka beng u se entse mehleng eo, ichebe maemo a hao a joale; ‘me u ka bona seo u ka beng u se entse mohlang oo, hobane se senola kannete.

³⁴ Ho koetlisetsoa ho lumela Lentsoe la Oona, ‘me eareha Lentsoe la Oona le nétefatsoa pel’ a mahlo a bona, ba latōtse Lentsoe le nétefatsoeng. Athe Molimo o kholisitse seo O nong o tla se etsa, le bolela seo O nong o tla se etsa, le ho kholisa seo O nong o tla se etsa, ba ntoo hlanoha ba bitsa monna enoa “moea o mobe” (taba eo ea ba rohaka bohle). Le nahane se hlahileng! Le nahane se ba qositseng; thupello ea bona e qositsit hore ba se lemohe lona Lentsoe le entsoeng nama la letsatsi la bona; eona thupello eo ba e hlakisitseg likolong tsa bona, ka mesuoe e tšekisitsoeng ka ho fetisa.

³⁵ ‘Me u re, “Be, re ke ke ra etsa joalo kajeno.” Mesuoe ea bona e ne e phahametse ea rōna hole kajeno (e qahame, ke rialo, papisong le mesuoe ea rōna), ‘me e ne e hholehe. Ba ne ba sa thea mekhatlo e makholo a robōng le mashome a robōng a metso e tšeletseng joaloka rōna kajeno. E ne e batla e le merarō. ‘Me har’ a e merarō, e patise ho fihla ho e merarō, ‘me ha ho le o mong ho e merarō e ileng ea Le elelloa! Ho bontsa feela hobane seo motho a se etsang ke bohlanya ho Molimo. Le a bona?

³⁶ Joale, ba sitiloe ho Le elelloa. Joale . . . ‘Me ba tla etsa eona ntho eo hape.

³⁷ Motho . . . Mohopolo o motle, o motle kamehla. ‘Me motho ha a fetole moloho oa hae le ka mohla, ha a fetole litsela tsa hae hakaalo; ke bua ka motho oa lefatše. Motho o rorisa Molimo kamehla, motho oa morapeli, ka seo O se entseng, ‘me kamehla o supisa batho seo O tlang ho se etsa, a ntoo hlokonomoloha seo O ntseng o se etsa! Le a bona? Eo ke motho feela, o entsoe joalo, esale a le joalo kamehla. ‘Me lōna babali ba Bibebe bosiusing bona le a tseba hoo ke ho latéla Lentsoe, “hantle.” Kamehla ba rorisa Molimo ka seo O se entseng, ho bolela seo O tlang ho se etsa, le ho hlokonomoloha seo O ntseng o se etsa. Eo ke tloaelo ea motho feela.

³⁸ Lebaka leo ba entseng sena, mesuoe, ho latéla mohopolo oa ka joale: ba ne ba tolokile Lentsoe, hoba bohle ba ne ba lumetse ho Messia ea tlang ho tla. Iseraele eohle e ne e lumetse, ba etsa joalo le kajeno. Empa lebaka leo ba sitiloeng ho *Mo* elelloa, Molaetsa oa Hae o ne o sa khohlelana le seatlana sa bokereki ba bona. Bao . . . botoloki ba bona ba Lentsoe, Messia ha a ka a Iponahatsa kamoo ba neng ba *Mo* tolokile A tla e phethisa. Ka hona, le ka lebaka leo, ha ba *Mo* elelloa hobane E sa ka ea khohlelana le botoloki ba bona. Joalokaha ke buile pele, le ho e bua hape, “Molimo ha o hloke mang ho toloka Lentsoe la Oona. O Itolokela ka Sebele sa oona.”

³⁹ Joale, Bibele e a bolela . . . E reng ke le kholise hobane hoo ke 'Nete. Esaia moporofeta, lilemo tse makholo a supileng le metso e leshome le metso e mehlano pele sena se hlaha, Esaia moporofeta o boletse, "Moroetsana o tla emola, a tsoale ngoana." Ntle le pelaelo e mong le e mong mongoaheng oo o hopotse morali oa hae etlaba mosali eo, hobane Esaia o e buile. Empa, le a bona, e ne e le lilemo tse makholo a supileng hamorao. Empa eaba . . . Molimo o no o sa hloke mang ho toloka Lentsoe la Oona, mohla O tlang ho e phethisa, kapa kamoo O tlang ho e phethisa. O boletse O tla e phethisa, 'me O e phethile!

⁴⁰ Molimo o tsepisitse hobane O . . . koana ho Esaia, hape, ke a lumela khaolo ea 28, re ka re temana ea 18. Hape le ho Joele 2:28, ho thoe matsatsing a bofelo, lilemong tsa ho qetela tse likete tse peli, O tla tselama eohle ka Moea oa Hae. O boletse, "Bara ba lōna le barali ba tla porofeta. Bahlanka ba lōna ba bone lipono. Maqheku a a lōna a lore litoro." Le lintho tseo A tlang ho li etsa, Esaia o boletse, "Ke ka melomo e kokotletsang le ka lipuo lisele Ke tlang ho bua le sechaba sena, 'me mona ke nqalo ea Phomolo." Empa ba hanne ho Le utloa. Ba tsokolitse lihlooho tsa bona ba tloha ba Le feta mohoalotso. O boletse, "Litafole tsohle tsa Molimo li tla tlala mahlatsa, 'me ho ke ke ha fumanoa letho le hloekileng." 'Me haeba seo e se setšoantsō sa Jerusalema, le kereke ea letsatsi leo mohla Messia a neng a tla fihla, ke setšoantsō sa kajeno. E ipheta-pheta feela.

⁴¹ Joale, Molimo ha o itlaleha O tla etsa taba, O e entse. Ho sa tsotelehe seo mang a se hopolang ka eona, seo mang a se buang, ha Molimo o bua ka taba, O tlamehile maoto-le-matsoho ho toloka Lentsoe leo ka Sebele. 'Me nétefatso ea Oona ea Lentsoe ke botoloki ba Oona ka Sebele. Lemohang, ho nétefatsa Molaetsa oa Messia oa Hae. O tsepisitse seo Messia a tlang ho se etsa mohla A tlang. 'Me mohla A tlileng . . .

⁴² Esita le mohla banna ba bohlale ka bochabela ba kileng ba sheba boroa-bophirimela, ho tsoa moo ba ahileng Babilona, 'me ba bone naleli ea borena. Na le tsebile ho se bohashana ba nalane, nqa efe, moo ho tlalehoang setša sefe sa bolepi (athe ba ne ba boloka e—e—e nako ka linaleli, banna ba baholo e leng bahlahlobi ba linaleli tsena) . . . Ha ho nalane efe e tlalehang mang oa bona a bone naleli ho hang. Hobaneng? Ba ne ba sa ho neoa, ba ne ba sa shebella tse joalo. Empa banna ba bohlale bana ba tsebile Naleli e tla tsoa ho Jakobo, 'me ba ne ba E lebeletse, 'me E fetile ho qala mohla Jesu a neng a hlaha Bethlehema . . .

⁴³ Joale, ke tseba meetlo ea Bokreste ba rōna, e tšoana le likereke tsa rōna feela, e hlanamisitse lintho. Ha le tsoa mona le bona monna ea bohlale a fihla a khumamela lesea; ha ho ntho e joalo Lengolong. Ba fihlile mono lilemo tse peli hamorao, ba parotse lithota ba tšela Noka ea Tigrisi. Ha ba fihla ho khumamela lesea, empa ngoana oa lilemo li batlile ho ba peli. Hobane'ng, ka eona nako eo, Heroda a bolaile bana ba lilemo

tse peli le ba katlase? E le hore a tle a tšoare Messia. Le a bona, bao . . . Molimo o ne o nétefalitse ka Lentsoe la Oona.

⁴⁴ 'Me eitseha banna ba bohlale bana ba fihla Jerusalema . . . Naleli e ba isitse motsemoholo oa borapeli ba lefatše, Jerusalema. 'Me hang ha ba kene likhorong tseo, naleli eo (mohlolo o kileng oa ba etella pele) oa hana ho boela o ba bontša. Banna ba khabane bana ba ea holimō-le-tlase literateng, banna ba barui ka likamele li khabileng, le lintho tse joalo . . . holimō le tlase literateng ba ntse ba re, "O kae Ea tsoetsoeng Khosi ea Bajuda. Re bone naleli ea Hae bochabela." 'Me motsemoholo oo oa borapeli, lilemo tse peli kamorao ho Molaetsa oa balisa, le joale ba sa tšoara karabo kapa ho tseba letho ka Oona. Hlooho ea malumeli ohle keha e sa tšoara karabo.

⁴⁵ Khang eo ea tšoenya Sanhedrine ke hona, ba bitsa Bangoli ho tla bala. 'Me ba balile pale ea Mikea, moporofeta ea buileng, "Le uena Bethlehema, na ha u monyenyanne har'a mahosana ohle a Juda (e monyenyanne), empa ho uena ho tla tsoa 'musisi ea tlang ho busa sechaba sa Ka, Iseraele." 'Me hoba Mangolo a baloe ('me e ntse e nétefatsoa pel'a mahlo a bona), le joale ba sitiloe ho E amohela, leha koana Lengolo le itsalo. Ke belaela haholo hore ba ka e etsa kajeno, holane Mangolo a tšepisitsoeng letsatsi lena a ka bonahatsoa. Nka tšoha ke sa tl'o le rerela hape, empa ke batla le tšoare sena. Le joale ha ba ka ba lumela!

⁴⁶ Bohlale bo boholo ba Ntate bo fetola bohlale ba motho bothoto hakaale hofihlela A nyenyefatsa motho eo. Ka tšoanelo O fihla moo a etsang hore motho a itšoabele hakana, 'me ha a moholo hoo a ka amohelang hore o "phoso." O sa ntse a tsitlallela pale ea hae, ho sa tsotelehe kamoo Ntate a kholisang Lentsoe la Oona e le 'nete le hobane O etsa hantle seo A tšepisitseng ho se etsa. Motho o hopola bohlale ba hae bo phahametse Molimo hakana, haeba e sa fihle ho latéla bohlale ba hae, "Khele, ha Le joalo." Ho lutse joalo le mongoaheng o mong le o mong, e sa ntse e etsoa. Na le bona kamoo e neng e nyallana le taba eohle, joale?

⁴⁷ Pululelo e kakang ho boramehlape bao! Mangeloi a theohang ho buisana le boramehlape, Mangeloi a Molimo a theohang ho buisana le sehlopha sa balisa.

⁴⁸ Ke ipotsa haeba u kile oa fumana monyetla oa—oa ho qoqa le molisa kapa ho kópana le e mong, nakoana? Ha le ka ntumella, ha ke—ha ke rate ho e bua ka baka la tlhahiso eo ke leng mothating oa ho e lhahisa kamorao ho nakoana, empa molisa o lula le linku hakaale hofihlela a tšeja joaloka ka nku (ho lla), o bua joaloka nku, 'me o nkha joaloka nku. Ke hantle, hobane o lula le linku. Ke phetho seo a se tsebang, ke linku tsa hae.

⁴⁹ Joale, Lentsoe la 'Nete netefalitsoeng. Mohla balisa bana, ba ithobileng, monna ea sa balang . . . Tlotla e kakang, ho tšoaneleha hakakang ho molisa ho fuoa molaetsa oa nku e tsoetsoeng. O ke ke oa fihlela letho lesele haese molisa. Lebaka leo A lhahetseng

setaleng, 'me e seng ka tlung. Linku ha li hlahele tlung, kapa ka phaposing ea kokelo e khabisitsoeng ka pinki. Le a bona? Li hlahela molikong, le lithoteng.

⁵⁰ Ke ka lebaka leo A *isitsoeng* Kalvari. U ke ke oa tsamaisa nku e eang hlabong mochoporong. Na le tsebile? Linqalong tsa hlabo, ba sebelisa pōli ho tataisa nku. 'Me ha e fihla nqalong ea hlabo, e qhomela kantle e siea nku e tsoelapele. Nku e tlameha ho tataisoa, ha e khone ho itsamaisa. Ka hona, ha ho le joalo, e ne e tlamehile ebe molisa ea tlelang e...nku ea hae. Eitseha ba fumana Molimo-lesea hantle moo moromuo a Mo boletseng a tla ba hona teng, 'me hoba ba fumane Molaetsa ona oa moromuo a sejelong, hantle moo Lengeloi le boletseng O tla ba hona teng.

⁵¹ Joale, ke utloile batho ba re, "Lengeloi le buile le 'na, Le buile, '*hore* le *hore*.'" Ka linako tse ling ke bosaoana bo bokakang; 'me ke utloile batho ba re Lengeloi le buile le bona, le ho ba bolella "*hore* le *hore*" athe e ne e thulana le Lentsoe ka botlalo. Joale, ebe Lengeloi le ka etsa joalo joang? Ho ke ke ha ba joalo. 'Me haeba Molimo a u boleletse ntho e *itseng-itseng* e tlang ho etsahala (u re O boleletse eona), 'me e sa hlahe, etlaba hase Molimo o buileng le uena. Hopola feela, ke hantle. Molimo ha o leshanong. Ha O fumanoe leshanong.

⁵² Ha ba fihletse Lesea, e tšoanetse ebe ebile thabo e kakang ho bona. Hobane Lengeloi le ba fileng molaetsa, ba fihletse litaba kamoo Lengeloi le boletseng li tla ba kateng, le hantle feela moo Lengeloi le boletseng teng. E tšoanetse e be ebile taba e kakang ho bona!

⁵³ Ka sejelong, hobaneng? Na le bona boiketlo bo bokaalo ba boramehlape ka sejelong? Le nahana moithuti oa thutabomolimo a ka be a ikutloile joang ka mono? O ne a tla khama nkong ea hae, a re, "Ntšeng tulong ena." Le a bona? O ne a tla ikutloa a tsoile taolong, o ne a tla sareloa.

⁵⁴ Empa, le a bona, e ne e le "lelapeng feela" ho molisa. Molimo o tseba moo O romelang Molaetsa oa Oona. Le a bona? Hantle haholo feela. Balisa maemong ana, setaleng sa bona 'moho le Konyana ea bona, Molaetsa o nétefalitsoeng oo ba o utloileng. Ho hotle hakakang! Ka pel'a sefahleho sa Messia, Lentsoe le nétefalitsoeng la Molaetsa oa bona. Balisa ha ba utloile hobane Messia o holim'a lefatše, 'me ba kena ka pel'a sefahleho sa Hae, hantle tikolohong ea bona, ('me ba fumana Molaetsa e le 'nete, o ne o nétefalitsoe mono) e tlamehile ebe e arubelitse monna eo ka maikutlo a joang, ho fumana Molimo o no o ba etselitse ntho e khōlō ena.

⁵⁵ Khele, baithuti ba ne ba sa tl'o phutholoha mono, tlas'a maemo a joalo, ba ne ba tla tloha ka potlako. Hobaneng? Moromuo a tlang ho boramehlape ba sa khabang. Esita le mohlomong ba ne ba sa tl'o...bana...Ba bang ba balisa ba ka be ba sitiloe ho tekena lebitso la bona ka seqo, ka pelaelo.

Le tseba boramehlape ba khethiloeng ke Jesu mehleng ea Hae mona lefatšeng, ho lisa linku tsa Hae, “Na u a Nthata, Petrose, ho feta bana?”

⁵⁶ “E, Morena, U tseba hobane ke a U rata.”

⁵⁷ “Fepa linku tsa Ka.” ’Me Bibele e boletse Petrose e ne e le motho ea sa balang a sa ruteha. Ho sa ntse ho khethoa balisa.

⁵⁸ Litho tsa kereke tsa matsatsing ao a fetileng, le baprista, le mokhupi o koetlisitsoeng hamonatjana letsatsing leo ba ne ba tla ikutloa ba saretsoe ka setaleng seo. Joale, ha ke a kholiseha hobane bongata ba lōna le ka utloisia (mohlomong, lōna batho ba metseng) monko oa setala sa Judea, tšobotsi ea sona, joaloka liphooftolo setaleng seo, le seo e neng e tlameha ho ba sona. Khele, baikakasi ba letsatsi lena ba ne ba tla sareloa mono, ba—ba ne ba sa tl’o kena le monyako. Empa ho khahlile Molimo, ka bohlale ba Oona bo sa felleng, ho Le senolela ba tlāng ho Le amohela. Baithuti ba sekolo, le monna ea bohlale oa letsatsi leo ruri a ka be a sa Le amohela. Ba ne ba tla tlollohoa haholo ho khaioletsoa tulong e joalo.

⁵⁹ Khele, taba ea pele, holane ba khutlela kerekeng ea bona, ’me ba paka ba re ba etetse kōpano e joalo, le ho lumela sehlopha sa balisa ba sa rutehang ba tlisitse semaka se joalo, ba ne ba tla khaoloa kerekeng ea bona. Ba ne ba tla kharameletsoa kantle ho sesosaiti sa Bethlehema, hola ba khaioletsoa ba mametse sehlopha se joalo se sa balang se kang balisa. Ho tlollohoa, ehlile ba ne ba tla etsa joalo. Holane ba iketsa setlama le sehlopha se tlaase hakaalo sa batho, le ho ba...ho amohela bokhelohi bo hlaha ba ho lumela Molimo a ka tlisa Molaetsa oa Oona ho sehlopha se sa balang sa balisa, athe ba ne ba e hlophiselitse sohle. Ba tla lahleheloa ke boingoliso ba bona, ba lōkele ho nehela lipampiri tsa bona, ba ke ke ba hlomphuoasosaiting sa lihlopha tsa bona tsa letsatsi leo; hobane ba ikamahantse le ntho e kang eo, ’me e sang le kelello e pholileng.

⁶⁰ “U ka hla etsa joalo joang!” moprista a ka be a boletse. “U ka kena serapeleng sa ka mona ka bokhelohi ba mofuta oo, ka bothoto ba mofuta oo, boo ralihlahla ea sa rutehang oa mofuta kantle mane ea sa tsebeng...a sa kenela...thupellong ea melao ea puo. Le ho lumela molaetsa oa mofuta oo, ho thoe, ‘Lengeloi le theohile la buisana le bona?’”

⁶¹ Empa ho ka thoeng holane monna a itse, “Ke bone Molaetsa oa hae o nétefatsoa”?

⁶² O ne a tla re, “E re ke u fe lipampiri tsa hao ka potlako. ’Me u tsue sesosaiting sena!” Linako li a fetoha, empa batho lekhale. E ka tloha e etsahala hape kajeno, ba ne ba ka kharameletsoa kantle ho likereke tsa bona.

⁶³ Empa balisa ba ikutloile ba iketlile ka botlalo tulong eo le Konyana ea Molimo. ’Me molisa ofe ea lōkileng o etsa hona hoo. Ha molisa ea molemo ea alosang linku a ka bona Lentsoe la

Molimo le totobatsoa le nétefatsoa, seo A tsepisitseng ho se etsa, molisa eo o lapeng hantle. Ha ke tsotelle seo mang a se buang, ke moo “Molimo o Le tsepisitse, ’me Molimo o Le phethisitse.”

⁶⁴ Ba re, “Matsatsi a mehlolo a fatile. Ha ho ntho e kang Kolobetso ea Moea. Ha ho ntho e kang Kolobetso ea Moea o Halalelang, e ne e baletsoe baapostola.”

⁶⁵ Empa e re molisa oa makhonthe oa Lentsoe a Le rere, ka matla a tsoho, hore Jesu Kreste ke oa maobane, kajeno, le kamehla! Petrose o boletse ka letsatsi la Pentekosta, “Pallo e etselitsoe lōna, le bana ba lōna, le ho ba leng hole kaofela, bao Morena Molimo oa rōna a tlang ho ba bitsa.” Hohle moo A bitsang teng, tsepiso le lehlohonolo lona leo le tiille. Ha molisa oa makhonthe ea fepang-Lentsoe a e bone e nétefatsoa, baithuti bohle ba thutabomolimo lefatšeng ba ke ke ba mo hlotha Eona; hobane o tseba Molimo o boletse joalo, ’me e a etsahala. Ke phetho. Ke Lentsoe la Molimo feela kamehla. Lentsoe la Oona le entsoeng nama ’me le aha har’ a bona, athe ha ba Le tseba.

⁶⁶ O tsepisitse ntho eona eo letsatsing lena. Ke a ipotsa haeba re ne re ka Le elelloa? Baikakasi le ba masene ha ba eso amohele ntho e kang eo. ’Me ba lumetse haeba ntho e joaloka Messia e ne e le lefatšeng, E tla tlameha ho tlela bolumeli ba bona. Ke sehlopha sa bona se tlang ho E amohela, ho seng joalo “E ne e sa lōka.” Joale, le nahane hantle ka thata. Haeba e se sehlopha sa bona, ka hona . . . Na le eleletsoe, ke hona? Molimo ha o khetha bafe sehlopheng sa bona, empa O khethile ba sa iketsang setlama le ntho efe eo. Hobane sehlopha se seng se ka be se itse, “Na le bona seo re se entseng?” ’Me le kajeno ba ka etsa hona hoo. Empa Molimo o khetha e-seng-mang, ke ka lebaka leo O khethang molisa. Balisa ba ne ba phutholohile ka botlalo ’moho le Molimo-konyana lipakeng tsa bona, Lentsoe la Oona le entsoe nama har’ a bona. Baikhohomosi le ba masene ha ba Le amohela le ka mohla, ho ba feta mohoalotso.

⁶⁷ ’Me re ka bolela tse ngata kajeno, kapa mongoaheng ofe. Ho ne ho le joalo matsatsing a Martin Luther. Ho ne ho tšoana matsatsing John Wesley. Ho ne ho le joalo matsatsing a Mapentekosta. Empa Molimo ha o emele mokhatlo oa motho mang! O tsamaisa Moea oa Oona hantle ho nétefatsa Lentsoe la Oona! E tla tlameha joalo ho tla ka lekhotla la bona ka sebele ho seng joalo ba ke ke ba Le amohela. Joalokaha ba le hlohothata kajeno, likereke tsohle, hore ba “tla etsa hore-le-hore, le ho kōpanya likereke tsohle ’moho.” Haeba ba shebeletse moromuoa hona joale, ea ka teanyang Maprotestanta ohle, Makatolike le Orthodox, ntho eohle ’moho, ho bopa kereke e le ’ngoe e khōlō.

⁶⁸ Joale, baenabesō, ke fuoe monyetla oa ho rerela marapeli a fapaneng a makholo, ’me banna ba lokileng ba bangata ho tsona tsohle. Empa joale, le a hopola, ke a porofeta, “Mokhatlo o mong le o mong o tla tlameha ho amohela sena, kapa e

se be mokhatlo. Ke ho le qophella.” Na le balile pampiri ea Tucson kajeno moo baprista ba Katolike ba thusitseng ho tlotsa, pampiring... ho thusa ho tlotsa, koana Missouri, setho sa tšebeletso ea bolisa sa Moprotestanta? ’Me e ne e chaeletsoe ke mang? Presbeteriene, Mabaptise, Lutherane, le Assemblies of God. E hlahile pampiring ea Tucson kajeno.

⁶⁹ Oh, e harola letsoalo! Hase monna ea kahare ka mono, ke bolaoli bo boholong, lihlooho tseo tsa mebuso tse sothang ntho eohle ka mono, tsamaiso e le lahlelang ho eona ebang le batla kapa che. U ke ke oa hlola u eba mokhatlo o ntoo phema khalefo ena e liheloang holim'a lefatše, ’me u tla bona haeba e sa lōka na. Nka tšoha ke iketse mohla e hlahang, hetla morao ho e 'ngoe ea liteipi tsena. ’Me haeba e sa hlahla, ke paki ea bohata. Haeba e ne e le joalo, ke boletse 'Nete.

⁷⁰ Ba ka be ba E bitsitse “tšebeletso e itseng ea moea o mobe” khahlano le monahano oa bona o emeng tšetla. Kajeno le utloa khafetsa ka monahano o emeng tšetla: beha monahano oa hao holim'a ntho efe feela, ’me o nahane tšetla. Liabolosi a ka etsa hoo! Ntho e 'ngoe feela e busang holim'a tsohle, ’me eona ke Lentsoe la Molimo. Haeba u nahana khahlano le Lentsoe, lebala monahano oa hao. Nahana ka Lentsoe.

⁷¹ “Messia,” ba nahana, “a ke ke a fumanoa tulong e joalo, mahlekeng a kang ao.”

⁷² Le ka nahana ka khabane e ntle, ea moprista e moholo ea phahameng, kapa setho sa tšebeletso ea bolisa, se soefalitsoeng hohle ka thutabomolimo, e ka theohelang setaleng se hlaba ea moitel? Le ho amohela Molaetsa oa mofutsana, oa molisa ea ithobileng ea se nang thuto, le ho fihla ho thoe “Ua bona, nka u kholisetsa Eona, Lesea ke lena, Moromuoa ke enoa”?

⁷³ ’Me na le tseba seo batho bao ba se buileng? “Monna eo o a tsepahala, o tsepehile a lomahantse meno ka seo A se buang, empa o fositse ho fosa!”

⁷⁴ Ke bone batho ba phela maphelo a lōkileng hakaale hofihlela batho ba ke ke ba lumela, ba ke ke ba bua letho ka bona, empa ba re “Leha a tsepahetse feela o fositse. O mpa a sa tsebe seo a buang ka sona. Molimo, O ke ke oa etsa ntho e joaloka eo.”

⁷⁵ Empa mona ba ne ba tšoere bopaki! ’Me kamorao ho bopaki, “Nyolohang le ee setaleng le bone haeba Lesea le sa robala teng.”

⁷⁶ Ba ne ba tla re, “U louoe ke moea o mobe oa mofuta, o u chochang ho rialo.” Feel a e ne e khema le Lentsoe la Molimo! ’Me keha ba foufetse haholo ho E bona, hobane ba foufalitsoe ke thutabomolimo ea bona. Tsietsi e kakang!

⁷⁷ “Ho khaoletsa tulong e joalo? Mahlekeng a kang ana? Ka setaleng?” Athe ba Mo hleketsa tulo e ntle ho fihlela teng, ba Mo hlophiselitse sohle ho fihlela teng, le ho nahana hobane A ka theoha (le ho ea teng) a sa tlisetse mesuoe ea bona Molaetsa.

“Le ho O tlisetsa sehlopha sa balisa ba sa balang? Le ho theola Mora oa Oona ka sebele, le ho Mo tlohela ho hlahela e—e setaleng? Setala se paala feela? Be, ka—ka sejelong sa joang? Khele, ho ke ke ha ba joalo!” Ha ba O lumela, hobane O ne o ikokobelitse haholo.

⁷⁸ 'Me O nyatseha hakaale, ba bohlale ba O tlolisa mahlo khafetsa joalo. O nyatseha haholo, O a ba ferekanya. Ba batlana le Molimo kantle koana, athe O mona hantle. Le a bona? Ba batlana le ntho hole koana, athe e na le bona mona hantle joale: Kreste, ea tsohileng bafung, eéna maobane, kajeno, le kamehla.

⁷⁹ Linthohali tsohle tsa bona li fetuoe mohoalotso. Empa ruri e ne e le 'Nete, e reng “Messia o kile a ba teng.” Re a e tseba kajeno. Re a e lumela kajeno. Re a e amohela kajeno.

⁸⁰ Empa haeba Molimo a tsepisitse taba ea Keresemose ena, ho tsepisa taba ea letsatsi lena, le ho E paka joalo, 'me re sa ntse re E furalla, re sehlopheng se tšoanang le sa bona (morao koana letsatsing leo) se Le furallang; hobane Le sa—le sa tlela ho kholisa tatso ea bolumeli ba rōna. Ka lona lebaka leo le rōna re qauoe hlekehlekeng e kaalo Keresemose ena.

⁸¹ Jesu Kreste ha a shoa, O a phela. O teng mona kajeno! Bibele e boletse, “Ke oa maobane, kajeno, le kamehla.” O boletse, ho Santa Johanne 14:12, “Ea lumelang ho 'Na . . .” (e seng moipehitumelo, ea *itlalehang* a lumela) “Ea lumelang ho 'Na, mesebetsi eo Ke e etsang le lōna le tla e etsa. Le tla etsa le e mengata ho ena, hobane Ke ea ho Ntate.” 'Me ke 'Mone, bophelong ba ka ka sebele, ho etsoa mesebetsi e mengata e joaloka eo (ho feta eo A e entseng mehleng eo) ho feta e ngotsoeng maqepheng a Bibele ena. 'Me e fetisoa holim'a hloooho le ba bohlale kajeno, 'me e senoleloa masea a tlang ho ithuta; joalokaha Jesu a e rapeletse. Ke 'nete, O entse tse ngata ho feta seo A . . . Ke bone letsatsing la ka, tšebetsong ea ka ea lilemo tse mashome a mararō le metso e merarō, ke 'Mone a etsa tse fetang tseo ke balileng tsa Hae ka Bibeleng; tse ngata tse tšoanang.

⁸² Empa ho sa tsottelehe seo A se entseng mohlang oo, na le nahana Sanhedrine e lumetse ho Eéna? “Be,” ba itse, “u loiloe.” Empa, re a fumana, moo ba entseng phoso ea bona e ne e le ho fumana . . . ho fumana, e seng seo sehlomathiso sa bona se se buileng, empa seo Lentsoe le boletseng Messia a tla se etsa letsatsing la bona. 'Me kajeno re etsa phoso hona moo, ho se batlisise Mangolo. Jesu o ba boleletse, “Le batlisise Mangolo, ho Oona le nahana le na le Bophelo Bosafeleng, athe ke Oona A Mpakang. A le bolella na Ke Mang.”

⁸³ Lemohang, Molimo o tsebile pele hoba ba tla etsa sena, lebaka la *hobaneng* A ne a tlamehe ho O romela ho balisa. O tsebile hoba ba tla sitoa, ba ke ke ba E amohela. Joale na le bona lebaka hobaneng e ne e tlameha e be balisa? Hobaneng balisa? Baithuti ba thutabomolimo ba ke ke ba E amohela. Hobaneng

balisa hape? Na E ka hlaha khahlano le Lentsoe la Oona? Che! E ne e le balisa, ba tsebile linku; 'me O tsoetsoe e le eona ntho eo, nku, konyana. Lemohang, E ne e le Konyana. E ne—e ne e le mofuta o le mong feela o nong o ka Mo amohela. Molisa ke ntho e le 'ngoe e ka amohelang Konyana. Ba tsebile kamoo E hlokomoeloang kateng, 'me le kajeno ho a tšoana ha re fumana Molaetsa oa Konyana.

⁸⁴ Joale semaka! Monna ea ikokobelitseng ho fetisa, ea sa rutehang o adora Emmanuele ka setaleng. Ea fetisisang... 'Me batho ba ne ba lutse kantle mane, hona matsatsing ao, ba ruta thutamolimo ea bona. Matšoel a maholo, a tsoang hohle, makhalong a naha, a tlie mahlabelong ao Jehova a bitsitseng "lephoka linkong tsa Hae." 'Me mona e le balisa ba ikokobelitseng, setaleng, ba ntse ba adora Emmanuele; Molimo ka Sebele a entsoe nama, a robetse setaleng. Le a bona, kamoo rōna ka lithuto tsa rōna tse khōlō, le ka lihlooho tsa rōna tse thamolotsoeng e ka re tseba letho, 'me Molimo o feta ntho eohle mohoalotso. Le a bona? O etsa seo A tšepisang ho se etsa, 'me O etsa seo kamehla. Empa nahananang ka balisa ba tlaase bana kantle mane joale ba adorang Emman-... Emmanuele setaleng. E makatsa ka ho fetisa. Ehlide bo!

⁸⁵ Eaba kantle... Ha ba qetile ho Mo adora, ba bone Molaetsa oo ba o rerileng o nétefalistoe, ke moo ba... ba tsoela kantle ba rorisa Molimo ka Molaetsa o sa kholoeheng ka ho fetisa oa Lengeloi. Joale bapisang seo le kajeno. Emang motsotsotso feela le nahane. Motho o kantle o adora Molimo, le ho Mo rorisa ka seo ba se boneng, seo ba se utloileng, seo ba se tsebileng e le 'Nete, ka Molaetsa o sa kholoeheng nqa kelello ea hlalefo. O ne o le khahlano le monahano ohle oa bokereki, feela e ne e le 'Nete! Ke 'Nete! Ba ile ba O lumela. 'Me joale, bohlale ba motho bo ka thotofala hakakang! Ba ipolela sehlopha sa 'mino sa Lengeloi se ba binetse pina ea pele ea tsoalo. Na le ka e nahana? Molisa ea sa khoneng ho ngola lebitso la hae, ea nkhang lesaka la linku, o theoha ka seterata, a hooeletsa, "Khanya ho Molimo Holimōlimō! Re a Mo tseba o holim'a lefatše!"

⁸⁶ Moprista o itse, "Monna eo o a hlanya. Shebang libuka haeba e le setho sa phutheho ea rōna. O hlile o a re tlottolla ka lithuto tsa hae tse hananang le mohopoloo o pholileng. Mo tloseng ho rōna. Re ke ke ra tlottollooa har'a batho."

⁸⁷ Be, u ka tlottollooa har'a batho 'me oa tlottisoa mahlong a Molimo; kapa oa ikhethela, hoba, le hopole, tatso ea bokereki ba letsatsi ha e khohlelane le Lentsoe la Molimo. Ha Le na litatso tse makholo a robong le mashome a tšeletseng a metso e robong. Ke tatso e le 'ngoe, Lentsoe le le leng, Molimo o le mong. Ke phetho.

⁸⁸ Ho thoe Mangeloi a ba binetse pina ea pele ea borena, hape ho thoe ba "fumane Molaetsa oa tsoang ho Lengeloi." Lengeloi le ba hlahetse, ho ba neha Molaetsa, 'me ba tsoile ba fihlela

Molaetsa e ne e le 'Nete. Le ho re, "Ebile hape, Lengeloi le re binetse pina ea pele ea tsoalo ea morena."

⁸⁹ "Na le ka nahana?" Ba re, "Mothoana oa batho." Ntho e joalo har'a bona eso etsahale, le a tseba, e batla e le thuto e mohlololo ho bona. 'Me ke ka hona ba sa E fumanang Mangolong, ba ne ba sa etsesoa ho E fumana. Ha e khlooehe ho ba bohlale, boiphihlelo bo joalo ha bo eso ba hlahele le ka mohla. Ha e lumelehe, empa E ne e sa ntse e le 'Nete. Ke 'Nete, re a tseba Ke 'Nete. Nahanang! Basokolloa ba pele ba Krteste le phutheho ea pele e ne e le boramanku, e seng tšebeletso ea bolisa; boramanku, boramehla. Hobaneng balisa?

⁹⁰ Lemohang! Kantle koana ba tlotlisa Molimo ka seo ba se boneng le seo ba se utloileng, ho utloa Mangeloi a binela batho khetlo la pele. Mangeloi a ne a eso binele batho pele. 'Me le shebe lik'hoaere, kamoo ba kileng ba ema ba koetlisa mantsoe ao, "ba tla bina tsoalong ea Messia," 'me ba fetoa mohoalots bohole! 'Me Mangeloi a theohile a binela ranku ea nyatsehang, ea sa aparang liaparo tsa tšebeletso ea bolisa, empa ea apereng liaparo tsa balisa. 'Me le shebe ea fumaneng Molaetsa oa pele, ha e khlooehe.

⁹¹ 'Me o ntšitsoe hokae, e seng lik'hatederaleng, empa felleng, kantle koana felleng moo Lengeloi la Morena le tlileng. E seng kerekeng, felleng. Ha A amohelo a kerekeng. Ba Mo hopotse joalo, 'me ba hopotse ba O tšoere, empa Molimo o e kholisitse e fosahetse. "A ka tsosetsa Abrahama bana le ka majoe ana." Ke hantle.

⁹² Khetlo la pele ha Mangeloi a bina moketeng, e ne e le Leholimöng. Haeba u ka sheba ho Jobo 38:7, (ke bona bang ba lōna le ngola linthha), mohla Molimo o nong o rera ho etsa tlhaho ea Oona ea pele, lefatše. Jobo e ne e le moholo, monna ea masene, 'me a le bohlale ba mefuta eohle. O itse, "Enereha ke nyolohela mebarakeng, mahosana, a nkhumamela, ba nqela nakoana ea bohlale ba ka." 'Me a sa utloisise hobaneng a ne a tšoanelo ho tšoaroa ka mokhoa oa hae.

⁹³ 'Me eaba Molimo o a 'motsa, ha thoe, "Itlame letheka joaloka monna, hobane Ke tla rerisana le uena." 'Me eareha Molimo o theoha ka setsokotsane, Oa re, "Jobo, u ne u le kae pele ha Ke thea metheo ea lefatše? Mohla linaleli tsa meso li binang 'moho, le bara ba Molimo ba hlahisa mohoo oa thabo, u ne u le kae, Jobo?" 'Me a hla a pompala mohlang oo. "U ne u le kae?"

⁹⁴ Le a bona, khetlo la pele ha Mangeloi a bina moketeng, e ne e le Leholimöng. Empa khetlo la pele a kileng a bina lefatšeng, e le ho balisa tsoalong ea Molimo, Emmanuel holim'a lefatše; batho ba pele ba kileng ba utloa Lengeloi le bina, e ne e le balisa ba ikokobelitseng.

⁹⁵ Ha re nka basali ba rōna ba ferefiloeng sefahleho, ba pommeng moriri, ba aparang lishotso, ba itšopa ka kobo ea

mofuta ea kereke, le ho ema ba bina joaloka ntho e itseng, 'me re hopola Molimo o tlameha ho mamela ntho? O na le Mangeloi motšeо koana a ka Mo thabisang ho tloha . . . le pele A etsa motho le ka mohla. Uh-huh. Ho tsoa le ho phela . . . le ho apara liaparo tsee e leng manyala ho Molimo, taba eo le ka e lebella ho ba ea Molimo joang? U re, "Be, ke setho sa . . . "

⁹⁶ "U ne u le kae ha Ke beha metheo ea lefatše? Bolela moo Ke a tlameletseng teng. Ebe a phikoloha ho eng? U ne u le kae mohlang oo?" Le nahana Molimo a tlameha ho re botsa ka bohlale ba rōna. Bohlale ba rōna ke bohlanya ho Oona. O etsa seo O bolelang O tla se etsa.

⁹⁷ Joale lemohang, Molimo o mothating oa ho hlophisa pōpō e 'ngoe. O ntse o bōpa lefatše la tlhaho, bophelo ba tlhaho. Mangeloi a binang Leholidōng. Empa mona O ntse a bōpa Bophelo bo bocha, Bophelo Bosafeleng bakeng sa motho, 'me O binela baahi ba Hae ka Mangeloi; lefatšeng, e sang Leholidōng. Leholidōng le ne le ruile Bophelo Bosafeleng. Le a bona? 'Me O binne . . . ba binetse Maholidōng, mohla bophelo ba nama bo ne bo kena; 'me mona tlhaho e sa shoeng e a kena, 'me joale ba binela batho ba lefatše. Khetlo la pele, ho balisa. E a makatsa, ha ke re?

⁹⁸ O qalile pōpō e ncha. E ne e le eng? Pōpō ea sebele sa Hae. Molimo o no o etsoe nama oa aha har'a rōna. Hoo . . . Bibe e boletse, "Qalong ea pōpō ea Molimo." Molimo o no o bōptjoe ka setšoants̄o sa motho; ka ho Jesu Kreste, Mora oa Oona, Molimo o ile oa aha. Oa aha tabernakele ea Oona ea nama le masapo, oa phela tabernakeleng eo; Molimo, *Emmanuele*, "Molimo o na le rōna." Oa Ikahela ntlu, ho aha ho eona, hore Ó tle o halimise Lentsoe la Oona ho baahi ba Oona ka seo. Le tseba seo Molimo o leng sona, ha le bona Kreste.

⁹⁹ Hopolang, kamehla ha khosi e tsoaloa ho a binoa. Ba tsebileng seo ba bakae? Ehlide, lōna. Be, joale, na le nahana holane Khosi enoa a tsoalloa tlase mono, mosali o matha a kena k'hatederaleng nqa e 'ngoe, le ho re, "Hlophisang bethe ka potlako ea ruri, le late lingaka, hobane ke tli'o tlisa Emmanuele lefatšeng"? Mosali oa mofutsana ho tsoa Nazaretha, motse o tlaase ho fetisa, ona . . . o khopo ho feta Tucson kapa ofe har'a eona, koana mosajana enoa a tla a mathela koo ho moprista e moholo a re, "Ke—ke itōkisetsa ho tsoala Emmanuele." Ba ka mo hlahlela chankaneng. Ehlide bona bo. Ehlide ba ka etsa joalo. Ka baka la bokhelohi bo joalo bo sotetsoang bathong ba hae, o be a sa tli'o e mamella. Le kajeno o be a ka sitoa. Empa leha ho le joalo e etsahala, ka ho tsoana.

¹⁰⁰ Lemohang, pina e tlameha e be teng. Likhosi li ne li . . . O ne a sa tlo bineloa. Batho ba ka be ba sa Mo binela, hobane ha ba lumela ho Eéna. 'Me ke lona lebaka . . . Ke ena E fihla, le ka mpa la hla la tobana le Eona. Ke ka lebaka leo batho kajeno ba leng lihlong ho rorisa Molimo, ba lihlong ka Kreste! K'hatederale e

khōlō e ke ke ea amohela Kolobetso ea Moea o Halalelang, ba bopeletsoe haholo mokhoeung oa bona oa bokereki ebile ba ke ke ba E amohela. Molimo o tla itholla motho eo A ka fetisang thoriso ka eéna. “O ka tsoetsa Abrahama bana le ka majoe ana,” ke boela ke qotsa Johanne.

¹⁰¹ Lemohang, basebeletsi ba Oona ba tšoanelo ho Mo binela. ’Me basebeletsi ba Oona lekhatheng leo e ne e le Mangeloi a Oona, ’me ba binetse balisa ba Oona ba neng ba tla jara Molaetsa oa Oona.

¹⁰² Ke mang ea lōkelang ho O utloa pele? Ehlide, basebeletsi ba Oona. Ke bona ba tlang ho utloa ’mino oa Khosi pele, e tla ba basebeletsi ba Oona. ’Me basebeletsi ba Oona e ne e le bomang? E batla e hlolla, ha ke re, baena? E ne e se tšebeletso ea Oona ea bolisa. E ne e se baithuti ba thutabomolimo. Ke hantle. E ne e se batho e leng litho tsa bolumeli. Che, e ne e le balisa. Hobaneng? Ho ne ho tsoetsoe nku, ke lona lebaka. Le a bona? Basebeletsi ba Oona ba O utloile, bao Molimo o ba tsebileng ba tla lumela. Molimo o rometse Molaetsa oa Oona ho bao ba tlang ho O lumela. O bohlale bohle; O tseba tulo ea ho romela Molaetsa oa Oona, ea tlang ho O lumela. Ea Holimōlimō Leholidmōng o romeloa ho monna ea tlaase ho fetisa holim’ a lefatše.

¹⁰³ Jesu o boletse, ho Mattheu 5, “Ho lehlohonolo bafumanehi moeeng, hobane ’Muso oa Leholidmō ke oa bona.” Maria, ho... Haeba u ntse u ngola Mangolo ao fatše, eo ke Mattheu 5. ’Me haeba u ngola Mangolo fatše... Ke seo ke se ngotseng fatše mona, ke Mangolo.

¹⁰⁴ Maria o buile, ho Luka 1:52, mohla a tlotsitsoeng ka Moea, Moea o Halalelang holim’ a hae, o boletse, “O phahamisitse ba ikokobelitseng.” Maria o buile joalo, ’mé oa Jesu, o itse, “O phahamisitse ba ikokobelitseng.”

¹⁰⁵ Luka o boetse o buile, “Batho ba tlaase ba Mo utloile ka thabo.” E seng e—e batlotlehi, e—e baithuti ba thutabomolimo, lingaka tsa molao le tsa khalalelo; empa batho ba tlaase ba Mo utloile ka thabo, batho ba ikokobelitseng.

¹⁰⁶ Hohle Mangolong a khethelhileng, Molaetsa oa topollo o tlisisoek e balisa le ka linku.

¹⁰⁷ Joale ke tšoanelo ho tla koala, hobane re atamela nako ea ho koala. Ke tlola Mangolo a mangata hore ke khone ho le fetisetsa mohopolo ona.

¹⁰⁸ Hohle Lengolong, topollo e ne e emetsoe ke balisa le linku. Ke hantle. Bohle re lumela seo. Hobaneng? E ne e le seriti le papiso. ’Me ntho efe... Hola ke eso bone letsoho la ka le ka mohla, ebe ke sheba seriti sa letsoho la ka fatše mona, ke ipona ke na le menoana e mehlano, ke ne ke tla tseba hobane e halimisitsoe; neketifi e halimisa posetifi. ’Me ka lona lebaka leo esale Molaetsa o tlela... topollo ka linku, hobane ho qala hona tšimolohong...

E tlie ka nku, le ka balisa, esale A Itšenola joalo. Tsohle e ne e le liriti le lipapiso.

¹⁰⁹ Joale ha re shebeng tšimolohong. Adama le Eva, ba eme pontšeng ea Molimo ho utloa Molaetsa oa Oona ho bona, ba itlamile matheka ka letlalo la nku. Molaetsa oa pele o kileng oa utluoa, o abiloe holim'a letlalo la nku e shoeleng, e hlajuoeng ke Molimo oa phuthela Adama le Eva ka Iona. Hoba ba leke ho iqalla borapeli ba bona ba mahlaku a feiga, ha bo a ka ba sebetsa. Sehlabelo sa nku se ne se hlophisitsoe e be pheko ho tloha tšimolohong, sehlabelo sa nku.

¹¹⁰ Joale, re tla koala joale, ho le supisa hobaneng e ne e tlameha e be balisa; le hobaneng e ne e tlamehe joalo, O ile a tlameha ho ba nku.

¹¹¹ Joale, baporofeta ba Testamente ea Khale ba ne ba itlama ka matlalo a linku (re tseba seo, uh-huh), ho supa tumelo ea bona Lentsoeng la Oona ea Konyana e phethehileng e neng e tla latéla. Lebaka la boporofeta.

¹¹² Joale, Lentsoe la Molimo ha le tlele moithuti oa bolumeli, ha ho letho...ke—ke eéna ea Le lubakanyang. Ke hantle. Ha ho ntho e tšoanang le ho re...Ha u re, “Be, mothaka enoa ke moithuti oa bolumeli.” Hoo ho mo suthisetsa hole le Lentsoe ho feta ntho efe eo ke e tsebang. Le a bona? Lentsoe la Morena Molimo, Molimo o sa fetoheng, ha o fetohle le ka mohla. Hohle Bibeleng, kamehla Lentsoe la Molimo le tlie ho baporofeta. E seng ho baithuti ba bolumeli kapa lingaka, ho baporofeta! ’Me bao kamehla, nako tsohle, ba latotsoe ba haneloa.

¹¹³ Ka tloaelo baporofeta e ne e le boramehlapa le bona. Baporofeta ba ne ba itlamile ka matlalo a linku, hobane ba ne ba apere letlalo la nku eo ba e alositseng. ’Me molaetsa oa pele, ho e—e moloko o ahlotsoeng, o ne o le holim'a matlalo a linku. Baporofeta, ke a pheta, ba ne ba itlama ka matlalo a linku, hoba ba pakile ka seo, hore ba lumetse ho tla fihla Konyana e phethehileng ea sehlabelo seo. ’Me Lentsoe la Molimo le tlie ho bona holim'a matlalo a linku. Boramehlapa bana...kapa ka tloaelo baporofeta bana e be e le boramehlapa. Abrahama e ne e le ramohlape. Isaaka e ne e le ramohlape. Jakobo e ne e le ramohlape. Moshe e ne e le ramohlape. Davida e ne e le ramohlape. Baemeli bohole ba Molimo ka tloaelo e ne e le boramehlapa.

¹¹⁴ Joale re tla fumana lebaka la hobaneng e tlela balisa. Ba tsebile nku e se na thuso kantle ho molisa ea li tsamaisang. Bao...nku e hloka thuso ka ho phethahala, ha e khone ho itataisa. Lebaka leo Molimo o bapisitseng bana ba Oona ba lumelang le linku. Li tlameha ho tataisoa. Feela le shebe se le tataisang! Le se ke la thola pöli, e tla le isa lesakeng la hlabo. Molimo ha o eso re tšoaele pöli, O re neile Mora oa Oona (Moea o Halalelang) ho re tataisa. Ke Motataisi oa röna, e seng

boramehlape ba entsoeng ke motho, empa ramehlape ea abiloeng se-Molimo ho fepa linku lijo tsa linku.

¹¹⁵ Joale, ha u nka kolobe, u bolella kolobe ena, “Ke tla u fetola konyana.” Ebe u a e hlatsoa. U e ferefana monoana o motona oa leoto, le—le joalo. Ho e fepa lijo joaloka nku, ho e fepa mofuta oa—oa lenane la lijo. Ho e lulisa fulurung kapa kantle ho... moo e—e nku e fulang, tšimong ea furu kapa ho hong. ‘Me haeba khatampi ea seretse e le teng mono, hoki eo e tla tōba mosima oo oa seretse ka kotloloho e khonehang. Le a bona? Hobaneng? Hobane tlhaho ea eona esale hoki.

¹¹⁶ Lebaka leo litho tsa kereke, kajeno, li itahang linthong tsa lefatše, le a bona, hoba tlhaho ea bona eso fetoloe. Li tla ja ntho ea mofuta ofe ea bolumeli, mahleu afe le afe a thutamolimo, empa Lentsoe la Molimo ha ba Le mamelle. Ba tla kena ba mamele Lentsoe...

¹¹⁷ Le a tseba, moikaketsi e moholo lefatšeng, ke lekhoaba la khale. Ka Bibeleng, tse peli li ntšitsoe arekeng. Lekhoaba la khale le tsoile ‘me ha le a hlola le khutlile, hobane ke lenong, mofielammila. La tsorama holim’ a litopo tse shoeleng la fepa mala a lona litopo tse shoeleng. Empa mohla a nehetseng leeba, leeba le sitioe ho mamella lephoka leo, eaba le khutlela tlung ea Ntate le Nohe, la tobolaka monyako hofihlela Nohe a le buletse ho kena.

¹¹⁸ Joale, lekhoaba le ka lula kantle mona la ja pere e shoeleng, letše hare lohle, le ntoo rurela kantle mane tšimong le je thollo le leeba. Empa leeba le sitoa ho rurela koo le ntoo ja pere e shoeleng, le boele le je thollo; e ka le bolaea. Le a bona, leeba ha le na nyooko, ‘me le sitoa ho sila hoo.

¹¹⁹ ‘Me ha leeba lefe la Molimo, leeba kapa nku efe e jang Lentsoe, phoofolo e hloekileng, ha u li fepa lintho tsa lefatše, li tseba Mong’ a tsona a boletse, “Ea ratang lefatše le ha e le lintho tsa lefatše, lerato la Molimo ha le a ikahela ho eéna.” Ha u mo fepa letho le khahlano le Lentsoe leo la Molimo, ha a khone ho e mamella. Empa liabolosi a ka ja Hoo le lefatše ‘moho, ‘me ntho eohle a e bitse ea Molimo. Ha u tsoake oli le metsi, ha e tsoakane feela.

¹²⁰ Bao, balisa bana bohle, ba tsebile nku e hloka thuso kantle ho molisa. E ne e le balisa, ba e tsebile e tlameha ho tataisoa.

¹²¹ Ho haula hakakang ho bona, kajeno, ba leka ho fepa nku, moapeho. Empa nku ha e ka ke ea ja. Che, monghali! Le a bona, ba ne ba leka ho fepa nku, morao koana, moapeho. Eareha Lentsoe le fihla, keha li tloaetse moapeho hakaale, li ne li sa tsebe Lentsoe. ‘Me ho a tšoana le kajeno, ha ho nétefatsoa ntho e tšoanang ‘me Molimo a kholisoa a tla etsa ntho e itseng. Ba tloaetse moapeho hakaale, le ho feptjoa moapeho, hofihlela u... be, ha ho letho leo ba ka le boleolloang, ba ke ke ba E mamela feela, ke phetho. Ntja... Bibele e boletse, “Joaloka ntja ha e

khutlela mahlatseng a eona, le kolobe seretseng sa eona, ba etsa joalo le bona.”

¹²² Ho utloa Lentsoe, le ho khutlela seretseng sona seo sa khale! Le ho re, “Ah, Ke bohlanya. Ha ke lumele ntho e kang eo.”

¹²³ Molimo . . . nku e etsa joalo kajeno, li tšoanelia ho tšepela lenane la lijo tsa Lentsoe. Ha li batle ho ja lenane la lijo tse ling. U ke ke oa li fepa lijo tsa bokereke, nku ea mannete. Che! Che! Tloha u ba bolelle, “Joale shebang, re tla kōpana bohle. Joale, Jesu o rapetse re be ‘bang.’” Le utloile ntho eona eo mane Tucson nakoana e fetileng, matsatsing a ’maloa a fetileng, empa ke leshano! Jesu ha eso rapele . . . Ebe O entse joang . . . Le ka qabanya Lentsoe ka Bolona joang, Le a hloenya? Ekaba Molimo o itšoanelia le motho mang le mang.

¹²⁴ Jesu o itse, “Na ba babeli ba ka tsamaea ’moho ba sa lumellane?” Na u ka tšoara Methodise, Baptise, Presbeteriene, le Katolike, la li hlahlela bonngoeng? Le ka ba bang tlas’ a boétapele ba motho, empa Jesu o itse, “Ba be bang joalokaha—joalokaha ’Na le Uena re le bang.” Joale, O batla bohle re be bang ka ho Eéna e leng Lentsoe! Amen! Ke moo, “Bang le Ntate.” Me Ntate ke Mora, ke ntho e le ’ngoe. Me ke Lentsoe le tšoanang, Lentsoe le bonahalitsoeng, le Iponahatsa letsatsing lena joalokaha Le entse letsatsing le leng, le tle le be bang.

¹²⁵ Lemohang, O itse, “Joalokaha Ntate a Nthomile, le ’na Ke le roma joalo.” Ntate ea Mo romileng, o kene ho Eéna ho thasisetsa Lentsoe. Me eéna Jesu ea romang batho ba Hae, o kena bathong bao A ba romang; le ho re, “Mesebetsi eo Ke e etsang, le lōna le tla e etsa.” Ehlile, O rapetse re tle re be bang; ho ba bang le Eéna, e seng bang le mokhatlo. E seng bang le tsamaiso, empa bang le Molimo. Hoba Molimo Lentsoeng la Oona o Mong, ’me Jesu le Molimo ba ne ba le Bang, ’me uena le ’na le Lentsoe re lōketse re be bang. Ke hantle. Re tšoanelia re be bang ka ho lumellana le Lentsoe. E seng seo motho mang a se buang, ha se ka ho itlhalosetsa ha motho. Le nke, seo Le se buang, le Le lumele; ’me Molimo o tla Le nétefatsa, le ho kholisa hobane Le lōkile. Le nahana hobane Le etselitsoe barutuoa feela, nka Lentsoe la Oona ka eona, tloha u le leke ’me u bone. Le tla e fumana e tla le sebeletsa joalokaha A tšepeisitse. E, monghal!

¹²⁶ Ba ke ke ba ja moapeho, ba tlameha ho fumana lenane la nku. Santa Johanne 10 e a tlaleha, “Linku tsa Ka li tseba Puo ea Ka.” Me haeba E le Lentsoe, ebe O tšoere Puo ea mofuta mong? “Linku tsa Ka li tseba Puo ea Ka, osele li ke ke tsa mo latéla.” Le a bona? Jesu o itse, “Puo eseles li ke ke tsa e sala morao.” Ka hona, linku tsa Hae ha li sale puo ea motho osele. Li ke ke tsa ba sala morao.

¹²⁷ Baporofeta, balisa, le linku, tsohle li paka ka lintho tse tllang ho tla.

¹²⁸ Joale ho bona Molimo o sa fetoheng ka merero ea Oona e sa fetoheng ea Lentsoe la Oona letsatsing lena. Joale le nahane metsotso e 'maloa feela: Lentsoe le sa fetoheng.

¹²⁹ Joale shebang! Hola—hola Moshe a fihla ka molaetsa oa Nohe, e ka be e sa sebetsa. Hola Johanne Mokolobetsi a tlide ka molaetsa oa Moshe o ka be o sa sebetsa. Hola Jesu a tlide ka oa Moshe kapa ka molaetsa oa Nohe, o ke ke oa sebetsa. 'Me Wesley a fihla ka molaetsa oa Luther, e ka be e sa sebetsa. Hola Pentekosta ea fihla ka molaetsa oa Wesleyan, e ke ke ea sebetsa; re utloile bopaki boo. Joale, Molimo ha o khaotse ho khatha tema. Le shebe Lentsoe feela, le bona moo re leng teng.

¹³⁰ Hobaneng tsebiso ea pele ea balisa e sa tšoanela . . . Eféla ha baporofeta bana bohole, banna bana bohole ba baholo e ne e le balisa, hobaneng ha Molimo o tlameha (oona O sa fetoheng) ho fetola mokhoa oa Oona mona hantle, 'me oa Le tlisetsa baithuti ba bolumeli? E ne e le balisa. Ho fihla ha Konyana e phethehileng, nyehelo ea sebe, e tlameha ho fihlela molisa.

¹³¹ Molisa o tseba linku tsa hae ho feta mang osele. Ha ho mang ea tsebang linku joaloka molisa, o koetliselitsoe hona. Hape o tsebile na li tla ja lijo tsa mofuta mong. Tseo . . . o tsebile seo nku e tlang ho se ja, 'me o tseba linku tsa hae ka seo li se jang. Eona . . . ha u ka bona nku e kena lesakeng la moapeho 'me e qala e ja moapeho, u ka re, "Lelekang mofielammila eo." Le a bona? Ka hona Molimo o tsebile moo a ka ba romelang teng.

¹³² Joale ha re qotseng e mong oa balisa-baporofeta ba baholo ba Jehova, ho thasisetsa hobane Molimo o ne o ahile ho baporofeta bana tlas'a letlalo la nku. Shebang joale. Re tla laetsa, pele, Moshe. Ha re mo shebeng. Bosebeletsi ba hae bo tla re supisa Jehova ka ho molisa-moporofeta oa Oona. Joale, re tla qotsa a le mong mohlomong, haeba re na le nako, metsotso e ka bang leshome e latélang. Re tla qotsa ba babeli ba bona, empa mohlomong enoa o tla itōkela.

¹³³ Moshe; Jehova o Ipepesa mona, ka ho molisa-moporofeta enoa. O filoe lineo tse tharō ho nétefatsa bosebeletsi ba hae le ho bitsa baholo ba Iseraele, le ho Faro. Lemohang molisa-moporofeta enoa, joale. O abela, kamehla, baporofeta ba Oona, pontšo e mohlololo, ho nétefatsa hoba Molimo o ka ho bona; hoba boteng ba Molimo ha ho ka ke ha hlokahala lintho tse mohlololo tse hlhang. Jehova ha a eso hlahe A sa latéloe ke lintho tse mohlololo. E tlamehile joalo. Esale A Inétefatsa A na le baporofeta bana, ka ho thasisetsa seo ba se porofetileng, haeba se ne se sa kheme le Lentsoe la Oona.

¹³⁴ Joale, ea pele eo—ea pele pontšo eo O neile . . . ho moporofeta-molisa enoa (sheba), ho fetola lere la hae nōha.

¹³⁵ Ea bobeli, letsoho la hae la tšoaroa ke lepera.

¹³⁶ Ea borarō, ho kha metsi a Noka ea Nile Egepeta, ho a fetola mali.

¹³⁷ Joale, O mo neile lipontšo tse tharō ho nétefaletsa Egepeta, le Iseraele hape, e le Lentsoe la Molimo le builoeng.

¹³⁸ Joale, hopolang, Moshe o bopile lintho ka polelo! Ke hantle. Ho kha lehlabathe a le lahlela sebakeng, ho re, "Matsetse a be teng," eaba matsetse a hlahia. Ho re, "Lintsintsi li be teng," 'me lintsintsi tsa eba teng. "Linqaqane li be teng," 'me linqaqane tsa eba teng. O ile a bōpela lintho tlahang! Joale, motho o sitoa ho bōpa, empa e ne e se motho le ho qaleng. E ne e le Jehova ka ho moporofeta-molisa oa Oona! Amen!

¹³⁹ Sheba! Pontšo ea borarō A mo neileng eona e be e sa amana le mosebetsi oa hae, le joalo ha e a amana le eéna joaloka motho; pontšo ea hae ea borarō. Lemoha, lipontšo tse peli tsa pele li ne li amana le eéna ka sebele, le sebele sa hae le mosebetsi oa hae. 'Me ke tsona feela lipontšo tse peli tseo Bibele e li tlalehileng li "na le puo." Pontšo e 'ngoe e ne e se na puo. Empa lipontšo tse peli tse abiloeng li tsoile ho eéna joaloka motho, ho lebisoa bathong bahabo, li e-na le lipuo. Empa pontšo ea borarō, joale lemoha, e ne e abiloe... pontšo eo, pontšo ea borarō, e ne e le pontšo ea lefu: metsi a fetohang mali. Ha uena—ha uena—ha mali a hao a ka fetoha metsi, u tla shoa. 'Me ha mali a le teng, mali a tšolotsoeng, ke pontšo ea lefu; le ho Faro ho bile joalo. Ea borarō e le ho fetola metsi a Nile mali, ho bontša—ho bontša Faro Molaetsa oa hae o reng Molimo oa rona ke Molimo holim'a Nile, o phahametse molimo oa Nile. Ke Molimo holim'a lintho tsohle, 'me O tla hlahisetsa sechaba seo lefu. 'Me pontšo ea mali e lekantse hoo. Oh, banna! Pontšo ea lefu ka kotloloho: mali!

¹⁴⁰ Empa tse ling tse peli li ne li tšoere lipuo tsa boporofeta. (Ke—ke—ke tšepa joale le ntse le bala, lipakeng tsa mela, seo ke se buang.) Empa lipontšo tse ling tse peli li ne li tšoere lipuo tsa boporofeta ho Iseraele maloka le bokamoso ba bona. (Joale ho lōna ba tsoang thabeng nakoaneng e fetileng, mohla lejoe le neng le lahleloa holimō.)

¹⁴¹ Joale, le ho ea... o ne a tlil'o fetola tlhaho, hore e ba sebeletse. Sheba thupa, sheba nōha, sheba Leoatle le Lefubelu, le sohle seo A se entseng, joale. Sheba ha tsenene ea molisa eo e ba hlekela tsela ho tsamaea. Thupa eo e letsohong la molisa, e fetile bohashana bofe ba thutabomolimo mohoalotso le tsohle tseo baprista ba li buileng, 'me lere leo la molisa la ba tsamaisa le ba tšelisa sohle se sitang (ho motho). Mohlang Faro o lekile ho nahana ka ho re "liretse tse tukang li qhomme holimō lithabeng tsa lahlela metsi, tsa a fetola mali," eaba Molimo o theola mollo leholimōng. 'Me Oa theola sefako leholimōng, 'me Oa—'me Oa theolela linta holim'a lefatše, le sohle.

¹⁴² O ile a etsa'ng? Ka lere la molisa eo, e seng ka e—e thekesetebuka, e seng ka monahano oa moithuti oa thutabomolimo, empa lere la molisa! Re tla e finyella motsotsong; lere la molisa, O e phehisitse. E seng e—e buka

ea lithapelo tsa bolumeli bo itseng, empa lere la molisa. Molamu oa molisa o alosang linku tsa hae, ho hleka tsela leetong la bona le habileng Lentsoe la pallo lefatšeng. Ke ntho e babatsehang hakakang kajeno ea Lere la Molisa, kajeno, le isang linku tsa Oona Lefatšeng la Pallo; ho feta thutamolimo eohle mohoalotso le sohle sa lefatše lena, le lintho tsa lefatše, le mekha ea malumeli, ntho eohle; ho phetla tsela, le ho kholisa Lentsoe la Oona e le 'Nete; Lere la Molisa le eteletse pele.

¹⁴³ 'Me lemoha, lōna lere leo la molisa le tataisitseng linku... Na le lumela seo? O tataisitse linku ruri, o ba lokolotse Egepeta ka lere leo letsohong la hae. Re ka bua ka lona ho feta moo. Empa ho etsa mabala-a-nkoe, o tataisitse linku le ho lihela kahlolo holim'a ho E latōla! Lona lere le leo fetohela e mong lehlohonolo, le fetohela ba bang thohako. Oona metsi (a therø ea Nohe) a mo pholositseng, a tsoile lefatše. Lona lere le isitseng Iseraele lefatšeng la pallo, le ahlotse ba hanneng ho sala moporfeta-molisa morao. Ke hantle, le fetoha molamu oa kahlolo.

Tlhaho; lemohang kamoo Molimo o buang tlahong ea Oona. Holane re na le nako feela. Ke ngotse ntlha mono: Molimo o bua tlahong ea Oona. Ha re na nako ho e kholisa.

¹⁴⁴ Empa ho tla pakoa hamorao, ka nōha ea borase e holim'a tsenene-ea-nku ea molisa (o ne a e tšophile teng, felleng), hona ho lekanya pheko ea 'nete e tlelang maloetse le sebe.

¹⁴⁵ Lere leo bolona le fetohile nōha ka pel'a Faro, 'me eéna Faro eo o lekile ho qopitsa ka maselamose. 'Me le bo-Faro ba seojaole ba etsa joalo kajeno, le baipehi-tumelo, baipehi ba nama ba Molaetsa, ba leka ho qopitsa eona ntho eo ba sa tsebe moo e tsoang teng; le ho E lahlela nthong e itseng ea mokha oa bolumeli, athe E hole le bona joalokaha moea o ke ke oa tinketsoa. Ehlide! Empa ho leka ho qopitsa, ho etsa qopitsa.

¹⁴⁶ Empa, lemoha, lona lere lena la molisa le jele linōha tse ling. Linōha tseo li ne li le hokae? E ne e le mare mokatong, 'me ho thonakiloe lere le le leng. "Maholimō le lefatše li tla feta," Jesu o boletse, "empa Lentsoe la Ka lona le ke ke." E bua ka pheko ea mannête ea sebe e tlang ho tla.

¹⁴⁷ Hape, bokamoso ba Iseraele bo nehelane... 'me moo ke buileng ka Iseraele, joale tsamaong ea nako... Mono ba nyehetsoe topollo bokhobeng ba lefu ka moporfeta-molisa. Ba ntšitsoe bokhobeng ke moporfeta-molisa ka lere. Le a bona? E ne e bua ka Moloaneli oa Iseraele oa bokamoso, ho tloha lefung le liheleng, ka Molisa-Moporfeta eo re tla bua ka eena.

¹⁴⁸ Joale, ho bohole ba... bohole kamoo re tsebang Iseraele, ha ba ka ba amohela Lentsoe la moporfeta-molisa, hase Iseraele eohle e Le amohetseng. Joale, lemoha, ba ne ba luma-luma. "Oh," mohla a na etsa mehlolo, "e ne e le mothaka e moholo," empa ha ho fihloa Molaetseng oa hae, "ho ne ho fapanè." Lipontšo tsohle tse khōlō li sala molaetsa o mocha morao. Re tseba seo.

Ba ile ba luma-luma felleng, felleng, 'me ba shoele ka likete. Bonneteng, ha ho a tšela letho haese ba babeli feela ba bona 'me ba pholosoa ho tsoa limilioneng tse peli le halofo, ba babeli ho tsoa ho limilione tse peli le halofo.

¹⁴⁹ U re, "Hoo... Ho etsahetse'ng ka bona?" Ho felile ka bona ka Bosafeleng.

¹⁵⁰ "Kaofela ha bona, Moena Branham?" Jesu o itsalo.

¹⁵¹ Ba itse, "Bontata rōna ba jele Manna felleng, 'me ba noele Lefikeng."

¹⁵² 'Me O... Jesu o itse, "'Me bao, e mong le e mong, o shoele," ho arohana ka Bosafeleng, le a bona, e mong le e mong.

¹⁵³ Lemoha hobane ba luma-lumme ka tsela ea Molimo e hlahisitsoeng, lebaka leo ba shoeleng. (Joale, ka kelohloko, le se fose litšaoelo tse 'maloa tsa ho qetela.) Ba ile ba luma-luma! Ba bolailoe ke'ng felleng, ba luma-lumme ka tsela ea Molimo e hlahisitsoeng: ka Molaetsa oa monna a le mong, moporofeta, boétapele ba monna a le mong. Mpolelleng moo Molimo o kileng oa sebelisa sehlopha ho etellapele. U ke ke ua e fumana Bibeleng. Monna a le mong, bao... Lentsoe le tlie ho Moshe!

¹⁵⁴ Kore; re tseba bohole a—a ile a boea sekoele a luma-luma ka ho re Molimo ha o na tōka, ho etsa ntho e kang eo, ho hlomella monna a le mong ka Molaetsa. A re, "Bohole re a halalela. Hobane'ng re ke ke ra hlophisa mokha oa bolumeli? 'Me hobaneng re thibeloa ho ba... ho hlophisa sena, le ho etsa sena, le ho etsa sane?"

¹⁵⁵ Molimo o boleletse Moshe, "Mo sirōhe, Ke khathetse ke eona." 'Me le hopole, Juda o bua sona seo, matsatsing qetelo. Ke hantle, "Ba timetse ka khanyetso ea Kore." Re boetse re tseba se hlahetseng Kore le e—le bohole ba belaetseng Lentsoe la Molimo le bohlale ba Molimo ba boétapele ba monna a le mong eo: e mong le e mong oa bona o timetse.

¹⁵⁶ Joale, re tla lemoha Molimo ka ho molisa-moporofeta, ho supa maano a Oona a kamoso a puo ea pontšo e tlang ho latéla. Joale, sheba. Re e bona *mono*, joale ha re shebeng pontšo e latélang.

¹⁵⁷ Joale, lemohang, o rometsoe ho baena ba habo bokhobeng, tlas'a bokhoba, ka Molaetsa oa topollo, ka pontšo e abiloeng se-Molimo ho kholisa maipolelo a Oona. Iseraele e seohetse Molaetsa oa hae, ba O lumetse, e mong le e mong oa bona, empa nakong ea mantsiboea... Ba amohetse mehlolo ea hae, empa nakong ea mantsiboea eareha ba... o abile Molaetsa oa hae, "E ne e fapane." Bohle ba sa kang ba lumela Molaetsa oo, ba shoele. Ke hantle. Molaetsa e le ofe? E ne e le Molaetsa oa kahlolo e tlang. Nakong ea mantsiboea, nakong ea mantsiboea, Molimo o tsoile a haola liahelo tsa Iseraele ho fumana haeba batho ba lumetse

Molaetsa oa molisa-moporofeta oa Oona; 'me bohole ba sa kang ba O lumela, ba timetse.

¹⁵⁸ Joale lemohang, re tla e fihlisa ho Molisa e Moholo nakoaneng feela. Le a bona? Lemohang bosebeletsi ba Molisa-Moporofeta e Moholo. Ka mehlolo ea Hae, kereke ka 'ngoe e ne e buloa 'me e Mo amohela. Ba ne ba batlile bakuli ba bona ba folisoe. Ba ne ba batlile ha ho etsoa lintho tse khōlō. Botumo ba Hae bo ne bo phahame. Empa mohla nako ea mantsiboea, tsatsi le leng hoba A fetole metsi veine, le ho fepa likete, bohobe, 'me ho entsoe mehlolo, A qala a lula a buisana le bona. 'Me A re ho bona, "Na le Ntate oa Ka re bang. U ka rialo joang, 'Re bontše Ntate'?"

¹⁵⁹ "Oh, moena! Monna enoa o itekanya le Molimo?" E ne e imela mohopoloo oa bona oa bokerek. Empa e ne e le 'Nete, O ne a le joalo! Le a bona? Empa hoba ba etse, ba bangata ha ba hlola ba Mo setse morao.

¹⁶⁰ Eaba O retoloha a re, "Ekare ha le sa je Nama ea Mora motho, la noa Mali a Hae, ha le na Bophelo ka ho lōna."

¹⁶¹ Joale, le nahana motho ea masene, ea bohlale o nahanneng? Ke a kholoa baprista ba kileng ba Mo kenya tempeleng keha ba hlilie—keha ba hlile ba soabile ho—ho Mo beha mono. "Ho nahana hore motho a ka ema a bua ntho e joaloka eo, 'Ekare ha lōna batho ting le sa je Nama ea Ka, la noa Mali a Ka.'" Ho re, "Motho enoa ke senoamali, le a bona, 'Ho ja Nama ea Ka le ho noa . . .' Khele, ke sejabatho. Lōna batho ba likello li pholileng le tla . . . sirōhang lehlanya le joalo."

¹⁶² A se ke a E hhalosa ka letho, O ile a E bua feela! O e entse ho ba khothometsa, ho khetha linku tsa Hae ho lipōli. O e entse ho ba lahlisa mohlala. 'Me ebile bohole ba hana ho sebetsa 'moho le Eéna. Ho tloha mohlang oo ba hana ho sebetsa 'moho. Le a bona?

¹⁶³ Lemoha, nakong ea mantsiboea, Molimo oa haola le liahelo oa bona ba lumetseng. 'Me O entse joalo le matsatsing a Molisa e Moholo. Lemoha bosebeletsi ba Molisa-Moporofeta e Moholo, empa lemoha sena, ho balumeli ba Molaetsa oa Hae, empa e seng . . . Molaetsa ona oa mantsiboea, ba hanne ho O lumela. Ba hanne ho Mo lumela e le Molimo. Ba batlile ho Mo etsa monna ea imametseng. Ba batlile ho Mo etsa moporofeta. E ne e le monna ea imametseng, 'me E ne e le Moporofeta, empa E ne e le ea fetisang moo. Eo ke thuto e atileng kajeno, ho thoe "Ke motho ea lōkileng feela, e ne e le moporofeta." O ne a se katlasana ho Emmanuel! E ne e le Molimo o bonahetseng ka ho Jesu Kreste Mora oa Oona, hoo ho etsa Eéna le Ntate bang. Ke phetho seo A beng a ka ba sona.

¹⁶⁴ Zakaria 14:7, nka bolela sena, e bua ka Maseli a mantsiboea le hape ka Molaetsa oa nako ea qetelo hape. Na le lemohile seo? Joalokaha bongata bo latétsé Moshe, bo bone Topallo ea Mollo e mo supileng holim'a Thaba Sinai. O ne a pakile ka eona, a buile

ka Topallo ena ea Mollo e tšoasitsoeng sehlahleng ea 'molella ka Molaetsa ona, bongata ha bo a ka O lumela. Empa bongata bo mo setseng morao bo tsoa Egepeta (bo tsoile lefatšeng 'me ba tšela leoatle la karohano, 'me ba kena felleng), bo bone eona Topallo eo ea Mollo (eo a buileng ka eona) e nétefatsa molisa-moporofeta eo e le molisa oa linku. Ba E bone, 'me le joale bongata bo sitiloe ho E lumela ka mora ho E bona.

¹⁶⁵ Lemohang mokhoa, hape, Molimo o sa fetoheng le ka mohla, Molisa-Moporofeta e Moholo, o isitse ba lutseng ho Eéna le bosebeletsi ba Hae Thabeng ea Mehloaare; Molisa-Moporofeta e Moholo, Eo re buang ka Eéna, Jesu. [Sekheo lebanteng—Mohl.] . . . ? . . . le ho utloa Ntate (eona Topallo ea Mollo) e Mo nétefatsa, e leng eona e nétefalitseng Moshe.

¹⁶⁶ Oona Molimo oo Moshe a buileng ka oona, o theohetse holim'a Moshe oa paka ka Topallo ea Mollo E le Jehova ea neng a eteletse Moshe pele. Molimo o no o le ka ho molisa-moporofeta oa Oona.

¹⁶⁷ Mona O qotsa Molisa-Moporofeta e mong, Moporofeta e Moholo, Nku ea Sebele, Jesu, le ho ikhethela banna ba bararō, ho ea le bona qhooeng ea Thaba Mehloaare, 'me teng oa néfetafatsa Jesu. 'Me esitile a Ikhethile bathong ba bang bohle, ha thoe, "Enoa ke Mora oa Ka ea ratoang, Mo utloeng!" 'Me ha ba lelala, ha ba ka ba bona motho haese Jesu feela. Ke hantle. E ne e le Eéna. Joale, ho lutse ho le joalo, ho ea ka 'na. Le a bona?

¹⁶⁸ [Sekheo lebanteng—Mohl.] . . . ? . . . [Sekheo lebanteng.] . . . ? . . . sefahleho. Moshe o kene pontšeng ea Shekina holim'a Thaba Sinai. Ea fetôla sefahleho sa hae. Mohla a theohang, a lôkela ho—ho ikoahela sefahleho ka lesira, molisa-moporofeta Moshe; Jehova o ne a ahile ho eéna ka karoloana, ka karoloana, karoloana feela, sefahleho sa hae. O ne a behile Lentsoe molomong oa hae.

¹⁶⁹ Empa lemohang ha Molisa e Moholoa ne a kene pontšeng ea Shekina. Ea etsa'ng? E fetotse ponahalo ea Hae eohle. E ne e se karolo ea Molimo feela, E ne e le Molimo ohle! E ne e le Emmanuel.

Hobaneng e ne e lôketse e be balisa?

¹⁷⁰ Shebang! Le a bona, joale, Molimo o Matlaohle o hlahlobile . . . o ntse o Itaka, ke rialo, ka ho Moshe molisa-moporofeta. Shebang kamoo Molimo O Itsebisitseng kateng. (Ena ke tlahiso ea ka ea ho qetela.) Ho 'mona, a eme a tlotsitsoe pontšeng ea Topallo ea Mollo! Ha ho motho holim'a thaba ho hang haese Moshe le Jehova. Amen! *Amen* e bolela "ho be joalo."

¹⁷¹ Shebang! "Sunya letsoho la hao sefubeng sa hao!" Empa, le shebe pontšo ena ea bobeli e nang le puo. "Sunya letsoho la hao sefubeng." Ha re na lebaka la ho lumela Moshe a ne a le leqejana, o tšoanetse a be a suntse letsoho la hae le letona sefubeng sa hae,

hoba batho ba bangata ba matsoho a matona. O suntse letsoho le letona la hae... Joale shebang! Setšoantšo seo re se bonang mona, sa Jehova ka ho Moshe molisa-moporofeta! Moshe o emetse Molimo, hoba Molimo o no o le ka ho Moshe. Le mo shebe ha a sunya la hae... “Letsoho sefubeng sa hao.” Pontšo e kakang!

¹⁷² Joale, oeme mono, o behile letsoho la hae le letona pelōng ea hae (ho ema ka mokhoa *ona*) moo makunutu a patiloeng a topollo esale a le teng ho tloha motheong oa lefatše. Lebaka la balisa ke lena. Jesu ke letsoho le letona la Molimo, bohole re a tseba. Moshe ke eo o Mo taka hantle feela. O ne a tšoere makunutu a Ntate, ‘me o re bontšitse ona. Lemohang, le mo shebe ha a ntša letsoho la hae le letona sefubeng sa hae le otliloe ka lepera le bolaeang. Ho supa seo Molimo o tlāng ho se etsa ka Letsoho le Letona la Oona. Lemohang, lepera ha le na pheko. Lemohng, hape, e ne e se lepera le tloaelihileng feela, le ne le le khatong ea lona ea ho qetela, lesoeu joaloka lehloa; letsoho la hae le ne le otliloe ka ntho e tšabehang. Kamoo Moshe a tšoanetseng a be a ikutloilo ha a ntša letsoho la hae le letona holim’ a pelō ea hae, le tsoa sefubeng sa hae, ‘me letsoho la hae le otliloe ka lepera! Lepera le lekanya sebe, se sa phekoleheng, haholo khatong ea lona ea ho qetela.

¹⁷³ ‘Me, banabesō, lefatše le fumanoe le le mono mohla Molimo o nong o ntša Letsoho la Oona le Letona sefubeng sa Oona! Lefatše le ne le otliloe ka lepera le kotsi, ‘me ho se pheko ea lona ho hang. Ho a tšoana le bosiung bona, hobane ha batle sehlare. Sehlare se ritetsoe Kalvari, empa batho ba batla ho nka litaelo tsa ngaka tse ngotsoeng ke motho ea itseng sebakeng sa taelo tsa ngaka tsa Molimo tsa sebe.

¹⁷⁴ Lemohang ha le a kena butle, kamoo lepera le etsang kateng, empa hang feela! Eitseha a ntša letsoho la hae, le ne le otliloe, keha le tletse lepera. Lemohang seo Molimo o se buileng, “Joale, le ke ke la khassetse sebeng butle; empa mohla le se jang, le tla shoa ka letsatsi leo.” ‘Me ke hantle, “Mohla le se jang.”

¹⁷⁵ Lemohang, moporofeta-molisa ke eéna ea iteileng ka bo-eéna. O ile a nka, ka taelo ea Molimo, ‘me a kenya letsoho la hae sefubeng sa hae, a le ntša le otliloe ka lepera. Moporofeta-molisa o e entse ka bo-eéna. ‘Me Moporofeta-Molisa e Moholo, Jesu, o e entse ka bo-Eéna, “Ke beha bophelo ba Ka fatše, ha ho motho ea ka Nkamohang bona.” E ne e le Molisa e Moholo, Moporofeta-Molisa e Moholo, “Ha ho motho ea ka bo tlosang ho ‘Na, Ke e etsa ka bo-‘Na.” Lemohang hobane ha le a kena butle, le tlie ka motsotso. Molisa e Moholo, ka Sebele, ho nka molato oa rōna ‘me a Itea ka bo-eéna, ho nka libe tsa rōna ho Ipelesa sona. Ha ho makatse seroki se ngotse:

Har’ a mafika a petsohang le libaka tse
fifalang,
'Moloki oa ka a kebisa hlooho ea Hae a shoa;

Lesira le hahōhang la senola tsela
Ea monyaka oa Leholimō le letsatsi la
bohloleho.

¹⁷⁶ Lekunutu leo esale le lutse sefubeng sa Molimo lilemo tsena tsohle, se koahetsoe ke letsaho la Oona le letona, Jesu. Molisa e Moholo o Ipelesitse molato oa rōna. Esaia 53:6, e boletse, “Athe o hlabetsoe litlōlo tsa rōna. A tetekoa ka baka la makhopo a rōna. Kotlo e re tlisetsang khotso e Mo oetse holimō. ‘Me re folisoa ka maqeba a Hae.’” Makunutu a pholiso ea Molimo a ne a robetse sefubeng sa Jesu Kreste, kapa Molimo, O ne a le letsohong le letona la Molimo, eona feela Nku e kileng ea boloka lekunutu sefubeng sa Hae. Ka lebaka leo liriti tsohle tsa Eona e ka khona e be nku kamehla! E ne e le nku pele, e ne e le Nku qetellong. Lebaka leo E ileng ea tlameha ho tlela molisa, ho tseba mokhoa oa ho aloasa Nku ea hae. Le a E tšoara na? Lemohang, “Athe o hlabetsoe litlōlo tsa rōna, a tetekoa ka lebaka la bokhopo ba rōna, kotlo e re tlisetsang khotso e Mo oetse holimō.”

¹⁷⁷ Lemohang, le hlahile ka potlako; la nyamela ka potlako, hang feela ha letsaho le letona le ntšoa sefubeng khetlo labobel. Lefu le kotsi leo keha le nyametse, ha a le ntša khetlo labobel. ‘Me mohla Molisa e Moholo, Nku-Moporofeta, mohla A neng a re... Sefapanong sa Kalvari, hoba A re lefele bohle moputso oa sebe sa rōna, O itse, “Ho phethehile.” Sebe se ne se felile, moputso o lefiloe, melato e hlakotsoe! Ha e a nka selemo, kapa ha e a fihla mehleng ea matsatsi a mohlabolli oa mofuta kapa ntho e itseng qetellong, e phethiloe hona moo!

¹⁷⁸ Sebe se kene ka nako le motsotso, ka ho tlola Molao oa Molimo, ka ho roba Lentsoe le le leng. Bosiung bona, banabessō, soule ea hao e leketla holim'a lihele ka lehlaahlela. ‘Me lehlaahela leo hase thuto e itseng ea thutomolimo ea seminari, lehlaahlela leo hase mokha o itseng oa bolumeli kapa tumeloana eo u phelang ka eona, lehlaahlela leo ke Lentsoe la Molimo! Jesu o file morabe oa motho Lentsoe la Oona ho phela ka lona, ‘me Eva o khaotse lehokelo le le leng la Lona. ‘Me eona... lehlaahlela lefe le lla ka le leng. Ha u tlosa Lentsoe le le leng... Mono ke qalong ea Buka.

Jesu o tlide bohareng ba Buka, le ho re, “Motho a ke ke a phela ke bohobe feela, empa le ke Lentsoe le leng le le leng le tsoang molomong oa Molimo.” Mono e ne e le mahareng a Buka.

Qetellong ea Buka, O itse, “Ekareha e mong a tlosa Lentsoe le le leng (ho toloka Lentsoe le le leng ka phoso), ho tlosa Lentsoe le le leng Mona, le ’na Ke tla tlosa kabelo ea hae Bukeng ea Bophelo.” O ntse o feta holim'a lihele, o ntse o leketlile ka Lentsoe la Molimo. Se lumelle motho ho sunya letho ho uena e se HO RIALO MORENA!

¹⁷⁹ Oh, ke a bona... Be, ba re, “Ehlile, sohle seo re se entseng. Sohle seo re se entseng!” Mohlomong baprista ba baholo le bao

ba hopotse joalo mehleng ea Molisa e Moholo. Eva o hopotse hona hoo. Ke seo Satane ea 'moleletseng sona, "Ruri Molimo a ke ke." Empa O e entse, hoba O itse O tla e etsa. 'Me ka lebaka leo O tla e etsa hape kajeno.

¹⁸⁰ Ha ho makatse, joalokaha A boletse, "Joaloka mehleng ea Nohe, moo meeä e robeli e bolokehileng, ka metsi, ho tla ba joalo ho tleng ha Mora motho." Le a bona, ba 'maloa ruri, "Hoba monyako o patisane, le tsela e tsesane e isang Bophelong, 'me E tla fumanoa ke ba seng bakae." Ke hantle. "Hoba tsela e isang timelong e hebehebe, ba bangata ba tsamaea ho eona."

¹⁸¹ Mohla Molisa e Moholo a na a otloa, Nku-Moporofeta e Moholo, mohla A na a otloa motšeo koana, O itse, "Ho phethehile!" 'Me ka oona motsotsa oo, hang ha Molisa enoa a otloa, keha ho felile. Ho felile ka sebe, sebe ha se a ka sa hlola se eba teng. Ba ne ba hloekile, moputso o ne o lefiloe. Mabitso a balumeli a neng a ngotsoe Bukeng ea Bophelo, ho reroapele esale ho theoa lefatše, ho phethehile ho tloha motsotsong oo Jesu a boletseng ho phethehile. Eéna, Molisa e Moholo eo, O ne a tlie ho batla linku tsa Hae. Ho ne ho phethehile, letsoho le letona la Molimo le ile la ntšoa sefubeng sa Oona, la otloa. Eaba ka Paseka O a le khutlisa (amen), a boela a le nyollela sefubeng sa Oona, 'me a le otlollela fatše ho 'na le uena, ka sebopeho sa Lentsoe la Oona, ho boela re lopolloa ho busetsoa tšimong ea ho qala moo sebe se re tlositseng teng. Lekunutu le patiloeng la pelō ea Oona e khôlô le senotsoe ke Moporofeta-Molisa. Le senotsoe ke Molisa, Moporofeta-Molisa.

¹⁸² Ha ho makatse lithaba li tlolakile tsa hlahisa mehoo ea thabo ka letsatsi leo. Ha ho makatse ha letsatsi le ikhurumelitse sefahleho la hlaba littlatse tsa thabo. Ha ho makatse tlhaho eohle e phatlohile ea raroloha; moea oa sisinya lifate tsa ba tsa sisinyeha tsa sisinyeha, tsa nyakalla, tsa tlolaka. Li bone Moporofeta-Molisa, thabeng, a lopolla lebitso le leng le le leng Bukeng ea Bophelo. 'Me li bone tlhaho ea tsona ka sebele e lopolloa! Tsa hooeletsa, tsa tlolaka. 'Me lefatše la thothomela. Le lithaba tsa petsoha, le mafika a khephoha. Le letsatsi la likela. 'Me—'me ha etsahala ntho e 'ngoe le e 'ngoe. Joaloka kópanong efe le efe, ha Molisa a u senolela ho re "ho phethehile!" Mono . . .

¹⁸³ Ke bone lifitahlohoana tsa ho tlolaka, le lifitahlohoana tsa thabo, feela ho sa lemale motho. Lithaba tsa letsatsi meloli, 'me bao . . . letsatsi la likela, le ntho eohle ea etsahala, empa ho se motho ea tsoang kotsi. 'Me ke bone likópanong moo matla a Molimo a senoletsoeng batho ho thoë "ba lokolotsoe lefatšeng le linthong tsa lefatše," 'me thabo ea Morena ea tlala phutheho. Ba ema ba hooeletsa, ba lla, ba hooeletsa ka mantsoe ohle a bona, ka baka la Khanya ea Molimo. Ha ke eso bone letho le tsoang taolong, ba ne ba hlekehile hantle; hobane ba ne ba lemohile seo, lebitso la bona le neng le ngotsoe Bukeng ea Bophelo ea Konyana esale ho theoa lefatše. Moporofeta-Molisa e moholo o ne a ba

tliselitse Molaetsa, 'me ba ne ba lopolotsoe, Moporofeta-Molisa. Ho sa tsotelehe seo liemo tse ling tsa bolumeli li se buileng ka Lona, ba tsebile se hlahileng. Joalokaha balisa bao ba entse motšeо mane, ba tsebile se hlahileng.

¹⁸⁴ Ha ho motho ea lōketseng ho kena deskeng e halalelang a rera Lentsoe hofihlela a etsositse Moshe, ho kōpana le Molimo, ka seqo, linqalong moo ho seng moithuti oa thutabolumeli ea ka E hlalosetsang hole ka lipolelo. Moshe o ne a le teng mono! Ho sa tsotelehe kamoo baromuoа ba Israele ba itseng, "oh, e ne e le bosaoana, u hakantse feela u bone sena; ke bosaoana," u ke ke oa mo hlotha Yona, o tsebile! O ne a le teng! E etsahetse ho eéna! 'Me ha ho motho ea tšoereng e—e digarata tsa thutabomolimo kapa digarata tsa bongaka ea nang le tōkelo ea ho ema ka morao ho sefala, ho itlaleha Molaetsa oa Jesu Kreste, pele a kōpane le Molimo lifahleho li talimane Topallong ea Mollo. Ha a na tōkelo ho ipitsa moromuoа, hoba baithuti bohole ba thutabomolimo ba ka sitoa ho u hlotha Eona ka ho beha mabaka. E etsahetse ho uena! U ne o le teng, u tseba ka Eona. Ho sa tsotelehe seo mang a se buang, kapa ba ka rialo hakae, "matsatsi ao a fetile, ha e joalo," uena... e etsahetse ho uena, 'me e khema le Lentsoe.

¹⁸⁵ E, Moshe o tsebile joalo hobane Puo ena e buile le eéna, e ne e le Puo ea Lentsoe. O tsebile hobane Molimo o boleletse Abraham, "Peō ea hao e tla jaka lilemo tse makholo a mane, empa Ke tla ba lōkolla." 'Me o tsebile lilemo tse makholo a mane li fihlile 'me a bilelitsoe ho e phethisa.

¹⁸⁶ Monna le basali, Molimo o tšepisite matsatsing ana a qetelo A tla tšela nama eohle ka Moea oa Oona. O tšepisitse hobane O tla romela Kolobetso ea Moea o Halalelang, 'me O tla bitsa Monyaluoа ea se nang letheba kapa letsika. O tšepisitse ho e etsa, O tla e etsa. Le se ke la mamela balisa bana ba thapiloeng, ba tla le khelosa tseleng. Moea o Halalelang ke Molisa ea tlang ho le fepa lijo tsa linku ho tsoa Lentsoeng lena. Kamehla e tla ka Molisa. Ke Molisa oa rōna. Mamela Eéna, lōna le linku tsa mohlape oa Hae; haeba u le joalo, u utloa Puo ea Hae. E seng seo motho mang a se buang, le utloa seo A se buang. Puo esele, ha u tsebe letho ka eona.

¹⁸⁷ Oh, banna, mamela molisa-moporofeta ea matla hape, ha a toloka 'me a ba tsebisa, Johanne (mohla a emeng nōkeng ea Jordane), shebang seo a se buileng (a eme mono, a ntse a rera), o itse, "Hora e a tla..."

¹⁸⁸ Lemohang, hobane Johanne e ne e le mora oa moprista. Kamehla ba ne ba sala e—e leloko la bontata bona, le rōna re fumane mabitsو a rōna joalo. Ba ile ba ba relла, ka sohle seo ba se entseng. 'Me Johanne e ne e tlameha ho ba moprista joaloka ntatae.

¹⁸⁹ 'Me, le a tseba, 'm  oa hae, mohla a mo emotseg, hoba Lengeloi la Morena le kōpane le Sakaria ntatae, o ile lapeng ho

Elisabetha, a se a le likhoeli tse tšeletseng ho . . . e tla ba 'mé. Empa le joale a eso be le bophelo, a tšohile kahobane lesea le eso sisinyehe. Ha e a tloaeleha.

¹⁹⁰ 'Me Moea o Halalelang, Lengeloi la Morena la iponahatsa ho Maria, la 'molella hobane o tla "ba le lesea, a sa tsebe monna," la 'molella ka maemo a Elisabetha.

¹⁹¹ A etela holimō maralleng a Judaea, ho bolella Elisabetha. 'Me ha a kōpane le Elisabetha, a 'molella hobane o "e se e tla ba 'mé." 'Me a sa utloisise, "a sa tsebe monna." Empa o itse, "Moea o Halalelang o nkharumelitse, ha thoe se Halalelang se tläng ho tsoaloa ke 'na se tla bitsoa 'Mora oa Molimo,' 'me ke tla Mo rea Lebitso la 'Jesu.'" 'Me khetlo la pele lebitso la Jesu le kileng la bitsoa ke molomo oa motho, lesea le shoeleng, popelong ea 'm'a lona, la tlolaka ka thabo la hlaba litlatse; la thala popelong ea 'mé, le ne le eso ka le phela.

¹⁹² Lebitso la Jesu Kreste le boela la kenya bophelo leseeeng le shoeleng. Ebe Le tlameha ho etsa'ng kahar'a kereke e ipolelisang e tsoetsoe labobel?

¹⁹³ 'Me re lutse re le bolila joaloka lequthu la torofeie, re lesa lintho tse joalo li iphetela feela. Ho tšaba ho ema le ho paka kholiseho ea hao, le ho khalema masaoana ana ohle, ho etsa Jesu Kreste eéna maobane, kajeno, le kamehla. Ke nako ea Keresemose, tsoang linthong tsena tsa Santa Klause le nyee, matjoing koana ka masaoana ao le ka papatso ea khoebo. Le utloile Santa Klause kae Bibeleng? Ke tšomo ea Roma, ha ho letho ho eona ho hang, ha ho ntho e joalo. Le se rute bana ba lōna masoana ao. Tsatsi le leng u tla tšoanelo ho 'molella hobane e ne e le pale ea bofofu, u tla be u thetsite ngoana oa hao. 'Me e tla rothofatsa bopaki ba hao ka Jesu Kreste, o tla re, "Mohlomong E a itšoanelo." Busetsang Jesu Kreste Molisa-moporofeta e Moholo kahara Keresemose litulong tsa Eona.

¹⁹⁴ Lemohang, le mamele moporofeta enoa, Johanne, a sa eme mono. Bohle re mo tseba e ne e le molisa-moporofeta e moholo. Joale, o ne a tšoere molaetsa, Lengeloi le mo tsebile a tla lelekela Jesu.

¹⁹⁵ Joale, a ke ke a kenela seminare ea mofuta. Ba ne ba tla re, "Joale, u tseba hantle hobane Ngaka *Sekete-le-sekete* ke eéna monna feela ea ka tlatsang litulo tseo joale. U tla mo etellapele. 'Me u tseba feela hore . . ." Le a bona, a ke ke a ithara le motho.

¹⁹⁶ Lilemong tse robong, ha re bolelloa, o kene felleng ho itlhophisa pel'a Molimo. Balisa ba tsoa hona moo. Le lemohe hoba molaetsa oa hae o ne o sa tšoane le oa moithuti oa thutabomolimo, ka mantsoe a itseng a maholo, a matonana a hohomohileng a digarata tsa mofuta. O itse, "Oh, lōna malinyane a marabe." A bolella monna oa morapeli, "Lōna sehlopha sa linōha." O li bone felleng, o bone nōha. Ntho e tlaase a e fumaneng e le nōha, 'me o bitsitse baprista le tšebeletso ea

bolisa le baithuti ba thutabomolimo ba letsatsi leo, “Sehlopha sa linōha!” Ho re, “Le tšositsoe ke mang ho balehela bohale bo tlang? Le se ke la re, ‘Re setho *sena*, ‘me re setho sa *sane*,’ hoba ke re ho lōna Molimo o ka tsosetsa Abrahama bana le ka majoe ana.” Majoe, seo a se boneng felleng. “Hape, selepe se beiloe motsong oa sefate.” Ke seo a se boneng: linōha, lifate, lefella. ‘Me, le a bona, e ne e le molaetsa oa hae oo. A sa tsebe mantsoe a maholo a hohomohileng a ngaka e itseng e khōlō ea khalalelo (ea ka E pheulelang hole ka ho bea mabaka), o rerile ka mokhoa oa tlhaho hantle.

¹⁹⁷ Re ntse re supa hoo mona: lere la molisa, molisa, nku, mokhoa oa tlhaho.

¹⁹⁸ O entse’ng? O ne a phethisa ntho e khōlō, e le eéna ea neng a tla tseba Messia. O itse, “Ke re, ‘O eme har’ a lōna joale. ’Me ha le Mo tsebe, hobane thutabomolimo ea lōna e le rarahantse haholo, ha le tsebe moo le leng teng.”

¹⁹⁹ Tsatsi le leng Jesu a tsoa a tsamaea, a re, “Bonang, ke eo Konyana ea Molimo e tlosang sebe sa lefatše.” Konyana! Alleluia! Pheko ea makhonthe! Ho fihla seo nku efe le efe ho qala tlase tšimong ea Edene e neng e le seriti sa eona, Monna oa tloaelo feela ea theohelang nōkeng.

²⁰⁰ Ba itse, “Johanne, ebe u E tsebile joang? Ha ke a bona ntho le e ‘ngoe e fapaneng.”

²⁰¹ “Empa ke a paka, ke bone Moea oa Molimo o theoha joaloka leeba, le Puo e reng, ‘Enoa ke Mora oa Ka ea Ratoang eo Ke khahlisoang ke ho lula ho eéna.”

²⁰² Shebang Leeba le Konyana. Le a bona? Yaa. Ho ka thoeng holane ebile e... ho ka thoeng holane ebile ntho esele... Ho ka thoeng holane mono ha ema phiri? Be, Konyana eo e ka be e sa lula holim’ a... kapa Leeba leo... Molimo Itšoantsitse ka leeba, le bonolo ka ho fetisa har’ a linonyana tsohle tsa sebaka; Mora oa Oona ka nku, e bonolo ka ho fetisa har’ a liphoofolo tsohle lefatšeng. Le a bona, nonyana e hloekileng ea libaka, e seng lekhoaba; e seng lenong, empa leeba. E seng kolobe, empa konyana. Tlhaho efe feela e ka be e sa momahana ‘moho.

²⁰³ ‘Me lemohang mohla Leeba le lulang holim’ a Konyana, Le Mo tataisitse. E seng ka thato ea Hae, empa kamoo Ntate a Mo tataisang kateng. Le kajeno konyana ea mannete e joalo. Oho lōna linku tsa mehla ea Keresemose, na ha le tsebe Molimo o tataisa ka Lentsoe la Oona le inotši? Ke lere la Oona leo.

²⁰⁴ Lemohang ha ho letho le neng le ka etsahala, empa Johanne o itse, “Ba bang bohle ha ba Le bona, empa ‘na ke a paka, ‘Ke Le bone.’” Ho tumisa: “Bonang, Konyana ea Molimo o tlosang libe tsa lefatše.”

²⁰⁵ Ana joale nka le tsebisa Molaetsa oa ka oa Keresemose, ‘me e re ke sa koala joale: “Jesu Kreste, maobane, kajeno, le kamehla.”

Esale eona Konyana eo. Esale Konyana kajeno hakaalo ka mehleng ea Hae. O mokaalo mona hakaalo ka ha E entse mono, hoba Lentsoe la Oona le a tšoana. "Moo ba babeli kapa ba le bararō ba phuthehileng ka Lebitso la Ka, Ke mahareng a bona." Ke hantle seo A se buileng. Ha A fetohe le ka mohla, Ke Molimo Lentsoe. Ha A fetohe le ka mohla; ho 'na a neha linku tsa Hae, le ho li fepa ka Molisa-Moporofeta oa Hae, lijo tsa linku tsa Hae pele. E seng ho moithuti oa bolumeli; ho linku tsa Hae.

²⁰⁶ Li ke ke...Ba bang bao ba ka E ja joang. Empa ba bohlale...Lemohang sena! Empa ba bohlale le ba masene, ba rupetsoeng ho fihla mokong ba lefatše, le joale ba lakatsa ho tlaleha Santa Klause a le teng. 'Me ho fumanoa litšomo tsa mefuta eohle le nyee eo ba e khumamelang, hobane ha ba batle ho Mo amohela, e leng Lentsoe; hobane mekheng ea malumeli a bona, ha Le natefise tatso ea bona, balisa ba hiruoeng ba letsatsi. Bahiruo ba tsoang molaoaneng, ba tlang ho batla ho le phutha bohle tlas'a pöli e le 'ngoe, le se ke la e lumela! Ba tla le hlahlela nqalong ea hlabo. Utloang Molisa e Moholo ea tsoetsoeng lilemo tse makholo a lesome le metso e robong tse fetileng, khoeling ena e holimō. Ka mohla o mong koana, Molaetseng oa Oona, ho tlide balisa ba neng ba tseba mokhoa oa ho aloса linku.

²⁰⁷ Ho lemoha, le joale ba e lakatsa. Ba ke ke ba Le amohela kajeno, joalokaha ba sa khona mohlang oo, hobane ha e fehlello le tatso ea bolumeli ba bona. Ba hlanola Lentsoe leo ba le nyalisa le mokhatlo oa bona, 'me ha ba batle ho rera Lentsoe. Lekhale ba ke ke! Ba re, "Be, taba eo e ne e baletsoe matsatsi a baapostola. Ha Le bolele *sena*." Le bolela hantle seo Le se buang, ha Le hloke motho mang ho...?...ho ba hlalosetsa Lona.

²⁰⁸ Joale rōna horeng ena ha re inamiseng lihlooho tsa rōna le lipelō nqa lerole la lefatše, re akōfe ka potlako re lebe sejelong, ho bona le ho amohela Leseli le chabisoang ke Lentsoe lena ka Molisa: Moporofeta-Molisa e Moholo, Jesu Kreste Mora oa Molimo. Ke buile le lōna halelele. Nka tšoha ke sa qhaneha mantsoe a ka joaloka leloko la tšebeletso ea bolisa ha le löketse, ha ke leke ho etsa joalo. Ke leka ho Le bua feela kamoo A mphang Lona.

²⁰⁹ Empa, na le a bona hobaneng e ne e ka khona e be balisa? Ba bang keha ba koetlisitsoe nthong esele hofihlela ba ne ba ka sitoa ho O amohela. 'Me kajeno re hlahletse baokameli ba mefuta eohle, monna oa lebatooa, libishopo, baprista, likhadinale, bomopapa, ntho e 'ngoe le e 'ngoe lefatšeng, ho leka ho re tataisa. Empa Molimo o re neha Molisa, 'me Molisa eo ke Moea o Halalelang.

²¹⁰ Le 'mamele joale. "Mohla Eo..." (e seng mohopolo, *Eo* ke lereo la motho) "Mohla Eo e leng Moea o Halalelang a tlileng (Moea oa 'Nete), O tla le senolela lintho tsena tseo Ke le boleletseng tsona, le ho le bontša lintho tse tlang ho tla." Eo ke

Molisa e Moholo, Eo ke Molisa eo Jesu a mo siileng. 'Me Moea o Halalelang o ngotse Bibele, Bibele e itse, "Banna ba mehleng, ba susumetsoang ke Moea o Halalelang, ba ngotse Lentsoe." Joale, na Moea o Halalelang o ka u hulela molaoaneng? Na O ka u hulela—hulela nthong eo Lentsoe lena le sa e bueng? Khele, ha se taba e ka etsoang ho hang. Ekabeba Moea o Halalelang o leshano haeba A boletse joalo "Le tlameha ho etsa *sena*," le ho hlanoha ho thoe, "Che, E ne e le phoso, le etse seo le se bolelloang ke kereke."

²¹¹ Joale, haeba esale le mametse ho hong, e mong a le huletse hole le Molisa oa sebele, ea le isang Lentsoeng, Moea o Halalelang, 'me u eso fumane boiphihlelo boo, 'me u eso fumane bopaki ba Moea o Halalelang bophelong ba hao, etsoe kantle ho . . .

²¹² Molimo o Mong. Ke Molimo o inotši o ruileng Bophelo Bosafeleng, 'me Ke Bophelo Bosafeleng. 'Me sohle se bileng le qalo se na le qetelo. 'Me haeba u le setho sa kereke feela, e bile le qalo. Empa Lentsoe la Molimo ha le na qalo, Molimo ha o na . . . 'Me ha u tsoetsoe ke Molimo, u tsoetsoe ke Lentsoe, 'u fetoha mora oa Molimo, mme lebitso la hao le ne le ngotsoe Bukeng ea Bophelo ea Konyana pele ho theoa lefatše. Mme uena, mmala oa moriri oa hau, mmala oa mahlo hau, ka seemo sa hao sa joale, Molimo o u bone pele ho theoa lefatše. 'Me O u bone, u le motho, ka tshobotsi ea hau. 'Me leha ho ka fihla lilemo tse milione, ha ho letho le ka u rakang ho khutlela setšoantsong se phethethileng seo Molimo a u rerileng ho ema ka sona qalang, "Linku tsa Ka li utloa Puo ea Ka, osele li ke ke tsa mo latéla."

²¹³ 'Me ha u sa amohela Bophelo Bosafeleng boo, bosiusing bona, 'me u batlana le e—e—e pale e leng tšomo ea lesea le robetseng e—e—e sejelong, le sehlopha sa banna ba bohlale ba teetse hare, u se ke oa lumela selō se kang seo. Le ho leka ho nahana, "Be, ke tla lōka. 'Me ke tla etsa *sena*. 'Me ke tla ingolisa le kereke. 'Me ke phetho se ntlamang ho se etsa." U lahlehile. Ha u sa fumana Bophelo Bosafeleng, u ka phela kamehla joang?

²¹⁴ U ka tšoara hlaku ea poone, ha ke tsotelle chebeho ea eona e phethethileng, u ka fehl—. . . Mahlale a fehlile ntho e 'ngoe, u ka e petsola oa e phetla: mongobo oa eona o a itšoanelia, pelō e a itšoanelia, tsona limelo tsa hlaku e hlahileng kantle koana tšimong, ke ntho e tšoanang. U ka li hlahlela phaposing ea hlahlobo, oa sitoa ho khetha efe ho efe: e 'ngoe e ka apeha senkhoa sa bohobe hakaalo ka e 'ngoe, e 'ngoe e hlahisa lijothollo tsa poone ka ho tšoana. Empa mokhoa oa ho li khetholla, ke ho li epela. E futsoetsoeng ke motho, e itšalla e inotši mono, e a bola 'me ha e mele le ka mohla. Empa e entsoeng ke Molimo, e tšoere lefi la bophelo, e boela e phela.

²¹⁵ U ka lekisa Mokreste, u ka tsamaea kereke joaloka Mokreste, u ka ngola lebitso la hao bukeng joaloka Mokreste, ho u iketsa

setlama le mokha oa bolumeli joaloka Mokreste; ho tla itokela, empa ha Bophelo Bosafeleng boo bo sa aha ho uena ho thoe Molisa e Molemo eo o nehetse Bophelo ba Hae ka morero oo, ho arola... Mohla Molimo o nong o theoha mane Pentekosta, O theohile ka khanare ea mollo joalokaha O entse Thaba Sinai, joalokaha O entse ho molisa oa pele, Moshe. 'Me ha O theoha, O Ikarotse ka maleme a mollo a lutseng holim'a e mong le e mong oa bona, Molimo o Ikarolang bathong ba Oona. 'Me ekare ha u sa amohela seo se... Petrose o boletse "E etselitsoe lōna, le bana ba lōna, le ba leng hole kaofela."

²¹⁶ Metsoalle, u se ke oa mamela tumelo-khoela ea thutabolumeli, u mpe u tsoaloe labobeli. 'Me hoba u etse joalo, Moea o ahileng ka ho uena ke karolo ea Molimo, 'me o paka Lentsoe le leng le leng la Molimo e le "Nete." Haeba u eso fumane boiphihlelo boo, ha re potlakeleng sejelong hona joale, Lentsoe. Ha re potlakeleng Bibeleng, hole le lintho tsena tse reiloeng likereke tsa thutabolimo e khabisitsoeng, ho ea sejelong sa manneta, Lentsoeng la Molimo moo Messia a tsebisoang teng.

Ka lihlooho tsa rōna tse inamisitsoeng, ha re rapeleng.

²¹⁷ Molimo o ratehang, ke phetho seo ke tsebang ho se bolela khetlong lena. Re ntse re atamela Keresemose, literata li hatellane monna le basali, bashanyana le banana, ba sutumetsa, theselaka, ho leka ho rekela motho ea tlang ho ba abela mpho ka ho tšoana. Batho ba bangata ba ipitsang Bakreste ba kantle literateng ba reka lisikarete, tahi, e le limpho tsa Keresemose. Molimo, ekare ba e hafela hantle sefahlehong sa Hao, ho ruta bana ba bona tšomo ea mofuta, ea Maroma, thutamolimo ea bohetene ea Santa Nikolase, tšomo ea mofuta eo lefatše le e amoheloang habobebe, 'me ba latōla Kreste oa manneta oa Keresemose, Konyana ea manneta.

²¹⁸ Molimo, ke rapela, bosiusng bona, re sa inametse leroleng leo U re ntšitseng ho lona,... U boleletse Abrahama hang, moporofeta-molisa e moholo, "Tsoa, Abrahama, u bale mahlabathe a lebopong la leoatile."

²¹⁹ 'Me a khutlisa lentsoe, "A mangata haholo, ha ke khone ho a bala."

²²⁰ Eaba U re, "Lelala nqa maholimō, bala linaleli." 'Me o e tsebile e ke ke ea etsoa. 'Me U itse ho eéna, "Peō ea hao e tla ba joalo." Re sheba molaetsa oo oa molisa-moporofeta, "ho tsoa lerōleng la lefatše, ho ea linaleling tsa leholimō," hore leha lefu le ahile 'meleng oa rōna o shoang ho re isa lerōleng, Bophelo bo teng bo ka re tsosetsang linaleling.

²²¹ Joalokaha U boleletse moprefeta oa Hao e moholo Daniele, "'Me ba tsebang Molimo oa bona, matsatsing a bofelo, ba tla hapa likhapo. 'Me ba isang ba bangata ho lōkeng ba tla phatsima ho feta linaleli kamehla le mehla."

²²² Morena Molimo, 'Mopi e Moholo, Ea kileng a ithatela ho theohela lefatšeng ka sebopoho sa Jesu, ho tsebisa motho seo Molimo o nong o le sona. 'Me Uena u Inotši o ka ipelesa moputso oa lefu, ho se Lengeloi, ho se phapanyetso e ka e phethisang. Etsoe e le Uena u Inotši o lihileng kotlo, me e ka tlosoa ke Uena u le mong. 'Me ka ho ba Moea, U ke ke oa shoa. Empa Ua na oa etsoa nama U tle o shoe; le ho fetoha Konyana U tle o tlose sebe sa Balopolloa ba Hao, bao U nong o lōketse ho ba lopolla ka Mali a Hao Sebele.

²²³ Oh, pale e khōlō haholo, Morena, e feta holim'a lihlooho tsa ba bangata. Ho nahana: "Jehova e monyenyane, ea robetseng sejelong, O ne a tlamehe ho phela joaloka lesea. Jehova e monyenyane, ho tsoalloa setaleng. Jehova e monyenyane, a bapala le bana setetateng. Jehova e monyenyane, lilemong tsa bocha. Jehova e monyenyane, moshanyana oa sekolo. Le Jehova, ea Matla." U nkile libaka tsena tsohle. "Me e ntano ba, Jehova, Konyana. Jehova, Moporofeta." 'Me U fetoha tsena tsohle U tle u utlöe bohloko ba moputso oa sebe, le ho re neha Bophelo Bosafeleng.

²²⁴ Re tšoarele, oho Molimo, rōna, bafutsana, libopuoa tse se nang tōkelo tsa lefatše lena. Re tlotlolotsoe bosiusng bona, Morena, ha re bala seo U re etselitseng sona, 'me re buselitse hanyenyane. Kamoo U kileng oa fihla matsatsing a baetapele ba baholo ba borapeli! Kamoo U ileng oa ikemisetsa ho ema le ho halimisa Lentsoe la Ntate! Kamoo U sa kang oa qekana le mehopolo ea bona! 'Me kajeno ho bonahala ho se ea batlang ho tsoa tjaro le ho bitsa Lentsoe "Lentsoe," 'me ba sa qeke. Re a rapela, Molimo, U re tšoarele lintho tsena tsohle tseo re li nyemolitseng hakana. Le ho re neha bosiusng bona, lipelōng tsa rōna, re sa U abela tsona e le sejelo. 'Me re a tseba nako tsohle ha Kreste ea Thakhisisoeng a amohehoa, tsoalo e ncha e a fihla, ho tsoaloa linku tse ncha, ho binoa Leholumōng ke Mangeloi. Ka moetsalibe a le mong ea sokolohang, Mangeloi a boela a bina.

²²⁵ Re a rapela, Molimo, bosiusng bona haeba ba le teng ba sa U tsebeng joaloka Mpho ea nnete ea Molimo, joaloka 'Moloki oa bona, e seng ka kutloisiso ea kelello feela, empa ka tsoalo e ncha (ea ho tsoaloa ke Moea oa Hao), ba E amohele hona joale feela, Morena, ka lihlooho tsa rōna tse inamisitsoeng. 'Me e mong ha a le teng, Morena, a eso etse sena, lipelō tsa bona li thabisoe joale, ho fumana joaloka balisa ba mehleng, sejelong sa pelō ea bona, Lentsoe, Messia; ea tlang ho nétefaletsoa bona joaloka Moea o Halalelang, Molisa e Moholo oa letsatsi. Re e kōpa ka Lebitso la Jesu.

²²⁶ 'Me re inamisitse lihlooho tsa rōna, 'me ke tšepa le lipelō tsa rōna li inamisitsoe, na u ka—u ka khona, moena oa ka ea ratoang, leha koana u le setho sa kereke... 'Me ke tšepa ke sa le utloisa bohloko ka seo ke se buileng. Ke... Ke botle ho ba setho sa kereke, re tlameha joalo, empa, oho moena, se amohele seo

feela, u tšoanelo ho tsoaloa labobeli. Ke seo Moporofeta-Molisa e Moholo a se buileng, "U tšoanelo ho tsoaloa labobeli." Taba eo O e boleletse moithuti oa thutabomolimo, "U tšoanelo ho tsoaloa labobeli."

²²⁷ 'Me ha u tsoetsoe labobeli, ha se kahobane feela u lumela. Ba re, "U tsoaloa ha u lumela."

²²⁸ Empa Bibele e boletse, "Liabolosi o a lumela, le eéna." Joale, lemohang, ha se seo, ke boiphihlelo.

²²⁹ U re, "Be, ke phetse bophelo bo lókileng."

²³⁰ Le baapostola ba entse hona hoo, empa ba ne ba sa tsoaloa labobeli hofihlela ba amohetse Moea o Halalelang. Ba bile ba sa sokoloha hofihlela ba amohetse Moea o Halalelang. Le sa hopola bosiu boo etellang keko pele... kapa kekong, pejana feela pele ho keko? Jesu o boleletse Simone Petrose, "Mohla u sokolohang, u tiise banabenō." 'Me Petrose o Mo latétse lilemo tse tharō le halofo, a leleka batemona, a folisa bakuli, a bolela Evangeli, 'me le joale (ho latéla Lentsoe) le joale a eso sokolohe.

²³¹ Joale, na u batla mofuta oo oa—oa Moromuoa pelōng ea hao bosiung bona? Ha—ha u hlile u batla Hoo... Seo motho mang a se buang ha se etse phapang, Ke 'nete, moena, khaitseli. Ke tseba hoba seo ke 'nete. Na u ka khona, hlooho e 'ngoe le e 'ngoe e sa inamisitsoe le leihlo le leng le leng le koetsoe, e seng nqa ho 'na, ke motho feela, moena oa lōna, empa u ka phahamisetsa Kreste letsoho la hao, ho re, "Ke lumela Seo. 'Me ke hlile ke batla Kreste eo pelōng ea ka, Kreste oa makhonthe oa Keresemose"? Na u ka phahamisa letsoho la hao joale? Molimo a u hlohonolofatse. Ke botle boo. Molimo a u hlohonolofatse, le uena. Molimo a u hlophonolofatse. Khele, matsoho hohle.

²³² E ke e etsahale, moena; e ke e etsahale, khaitseli; e ke e etsahale, motsoalle oa ka; tlatsoa ka Moea oa Molimo. Seo motho mang a se buang se etsa phapang efe? Hopola, ke bophelo ba hao. Re ka tšoha re se le holim'a lefatše hoseng, ha re na—ha re na kholiseho ea bophelo bo bong bo fetang bo linkong tsa rōna hona joale. Re ka tšoha re sa hlole re phefumoloha hape, ke ka mohau oa Molimo o inotši. 'Me e thusa ka'ng, ho sa tsotelehe u phetse hantle hakakang le seo...? Jesu o itse, "Ekareha motho a sa tsoaloe labobeli, a ke ke a kena le ka mohla o le mong."

²³³ Joale, ke tseba ho *qhanehiloe lipolelo* tsa seo ho tsoaloa labobeli e leng sona, empa ha re shebang feela se hlahileng ka Bibeleng mohla ba neng ba tsoaloa labobeli. Petrose e ne e le molumeli, baapostola e ne e le molumeli, empa ba ne ba sa tsoaloa labobeli haese hofihlela ka morao hoba Moea o Halalelang o theohele holim'a bona ka Pentekosta. Joale, ba ne ba ipotsa se etsahetseng, 'me Petrose o itse, le ba bang bohole, "Banna ba Iseraele, ho ke ho tsebjoe ke lōna; Jesu oa Nazaretha, monna ea supiloeng ke Molimo har'a lōna ka mehlolo le meeka le lipontšo, eo Molimo a e entseng ka Eéna; Eéna ea tsebiloeng

pele, ka morero oa lōna le mo tšoere ka matsoho a bokhopo la mo thakhisa, Eo Molimo o mo tsositseng etsoe rōna re lipaki tsa Hae. O qhatsitse seo le se bonang le seo le se utloang joale, kamoo Mangolo a bolelang.”

²³⁴ ‘Me hape, eitseha ba utloa sena, ba hlabjoa pelō tsa bona, ba re, “Banna ba hesō le baena, re tla etsa joang ho bolokeha?”

²³⁵ Petrose a re ho bona, “Bakang!”

²³⁶ Joale, motsoalle oa ka oa Mokatolike ea lutseng mona, koana ke tseba ba bane kapa ba bahlano ba lōna ba lutseng mona. Ke qoqile le moprista oa lōna ka sena, mohlomong ha se moprista oa *lōna*, empa e mong oa baprista ba Katolike, o itse, “Jesu o neile kerek matla ho leballa libe, ‘Eo le mo leballang libe, ba li lebaletsoe; eo le ’mallang libe, ba li balloa.’” Ke ’nete. Empa ha re shebe kamoo a e entseng, kamoo baapostola ba setseng taelo ea Hae morao, e sang kamoo bao—bao moprista a etsang kajeno.

²³⁷ Empa ebe moprista oa pele, ha le batla ho ’mitsa joalo, Petrose, a neng a tšoere linotlolo tsa ’Muso, o itse e etsoe joang? O itse, “Bakang, e mong le e mong oa lōna, le kolobeletsoe ka Lebitso la Jesu Kreste tšoarelong ea libe tsa lōna, le tla nka neo ea Moea o Halalelang. Hoba pallo e etselitsoe lōna, le bana ba lōna, le ba leng hole kaofela ha bona, bongata boo Morena Molimo oa rōna a tlang ho bo bitsa.” ‘Me ha Molimo o féla o sa ntse o bitsa, boiphihlelo boo bo etselitsoe uena haeba u sala taelo eo morao. Ha phutheho ena e féla e lumela Hoo, ka lihlooho tsa lōna tse inamisitoeng, e reng, “Amen.” [Phutheho e re, “Amen.”—Mohl.] Hape, ntho efe e haellang Hoo e khahlano le Lentsoe, ‘me ha se ho latéla Molisa.

²³⁸ Morena Jesu, ba matsohong a Hao joale. Ke rapella pelō efe e butsoeng bosiusing bona e se na Kreste, Messia (‘me Kreste ke Lentsoe, Lentsoe le tlotsitsoeng le bonahahetseng), ‘me ha lipelō tse butsoeng li le teng mona bosiusing bona li se na Messia eo, Neo ea mannate ea Keresemose, eona feela Neo ea Keresemose e leng teng, eo Molimo o e fileng lefatše, le ho E tlalehela lefatše ka balisa, ka Konyana ea Oona, Tefetso ea sebe, ‘me pelō eo ha e féla e butsoe bosiusing bona, e behe kahare, Morena, Messia Lentsoe la kajeno. Re ba laeletsa ho Uena ka Lebitso la Jesu Kreste, Mora oa Hao. Amen.

²³⁹ Le a Mo rata na? Le a Mo lumela na? “Le batle ’Muso oa Molimo pele, le ho lōka ha Oona, tse ling tsohle le tla li ekeletsoa.”

²⁴⁰ Metsoalle, pele re qhalana, ke batla ho bua sena. Khafetsa, ke utloisisoa ka phoso haholo. Ke tšoere Molaetsa ho tsoa ho Molimo, ‘me ke tšoanelo ho hlahisa Molaetsa oo ho sa tsotelehe. Ke a tseba O utloisisoa ka phoso. Hola O ne o se joalo, E ka be e se Molaetsa oa Molimo; E ke ke ea ba ona. Likhang li ngata haholo kajeno lefatšeng hore O se utloisisoe ka phoso. Ke lumela Molimo o na le motho mokheng o mong le o mong oa bolumeli

le mokhatlong oa lefatše, 'me ha se hobane ke le khahlano le baena besō. Ke tlie koano Tucson, lilemo tse tharō tse fetileng, ka tšoara kōpano le lōna bareri holimō ha Moena Gilmore, 'me ha botsoa, ana 'na ke "tlie mona ho qala kereke?"

²⁴¹ Ka re, "Che, monghali. Ke tlie koano ho thusa *lōna*." Empa le joale ha ke eso koptjoe, lilemong tse tharō. Empa ka mokhoa o tšoanang, ke mona ho le thusa. Ke mona ho teanya matsoho le lōna, e seng ho teanya mekhatlo le lōna, empa ho teanya matsoho le pelō le lōna holim'a Lentsoe la Molimo, ho leka ho rerela moea o lahlehileng Evangelie le motho e mong le e mong ea tlas'a molumo oa mantsoe a rōna.

²⁴² Ke inehela Molimo, bosiung bona, ka pelō eohle ea ka, ka sohle se ahileng ka ho 'na. Ha ke khone ho nehela hakaalo; ha ke khone ho tlisa libano, mirra, le gauta, hoba ha ke na tsona. Empa sohle se ho 'na seo Molimo o mphang sona, bophelo bona, ke bo nehela Oona bocha bosiung bona, holim'a sejelo sa Lentsoe la Oona ka pelōng ea ka; le ho Mo tšepisa, ho ema le Lentsoe leo, haeba A ka ntumella ho phela selemo se seng, feela ka botšepehi boo nka emang ka bona; ho rera karoloana e 'ngoe le e 'ngoe ea Lōna, le ho lumela karoloana e 'ngoe le e 'ngoe ea Lona; ha ho le joalo, nthuse, Molimo. Na le tla etsa joalo le 'na?

²⁴³ Re amohele, Morena. Re amohela Neo ea Hao ea Keresemose, Messia, Lentsoe le tlotsitoeng le nétefatsang Boteng ba Hao le rōna, Morena, ho sa tsotolehe tumeloana kapa mokha oa bolumeli. Re fumana, re iphumana kajeno, lefatše le a theleha, 'me mona Messia e moholo oeme a phuthulotse matsoho a Hae: Jesu Kreste maobane, kajeno, le kamehla, ea entseng litšepiso, hore matsatsing ana a qetelo, kereke e tla be e hlaphisitsoe hakaale hofihlela e kene Laodisea. 'Me re a e bona kajeno, Morena.

²⁴⁴ Ebe re ka etsa'ng, Molimo o ratehang? Ebe nka etsa'ng? Thusa 'na le balisa ba bang bana, Morena, lefatše ho pota, balisa ba Lentsoe, ho Le tumisa, Morena, selemong se tlang sena. Re thusue, Morena, re a rapela. Re fe Lerato la Hao le Moea oa Hao le Leseli la Hao. Re ikhethela bosiung bona Lentsoeng la Hao le pitsong ea Hao. Ka Lebitso la Jesu Kreste, re amohela Neo ea Hao ea Keresemose: Lentsoe la Molimo le entsoeng nama ka ho rōna. Amen.

²⁴⁵ Ke rata liféla tsa kereke. Pauluse o itse, ka Bibeleng, "Ha ke binne, ke binne ka Moea. Ke rera, ke rera ka Moea. Ha ke... seo ke se etsang, ke etsa sohle ka Lebitso la Jesu Kreste." Joale, erekaha Sena ebile khatello holim'a lōna... 'Me ke—ke a le ananela. Ke tla ka Molaetsa ona. Ka linako tse ling ekare ha ke batle ho E bua, empa koana ke—ke tlamehile, baena. Haeba ke sa e etse, ke moikaketsi. Haeba ke sa e etse, ke lehlabaphieo letsoalong la ka, le tumelo ea ka—ea ka Lentsoeng la Molimo. Ke tšoanela ho e etsa, e seng ho fapano, empa ho tšepahala pitsong

ea ka. 'Me ke batla ho thusa lōna bohole, ke batla ho etsa sohle seo nka se etsang.

²⁴⁶ Joale ha re bineng se seng sa liféla tse khōlō tsa mehla eohle, ke se rata haholo feela, *Ke a Mo Rata*. Le a tseba, ke a lumela hola re ka Mo rata bohole, re tla etsa seo A re laetseng ho se etsa. "Le Mpitsa ke'ng, 'Morena,' athe ha le etse tseo Ke le laelang tsona? Le Mpitsa ke'ng, 'Morena,' athe ha le etse seo Ke le laetseng ho se etsa?"

²⁴⁷ Na le ka mpa la mamela molisa oa mothapuoia ea reng "ngola lebitso la hao bukeng, ho joina; ja selallo sena, bua *senā*, 'me se itōketse," athe Molisa e Moholo ka Sebele o itse "ekareha motho a sa tsoaloe labobeli a ke ke a bona 'Muso oa Leholumō'"?

²⁴⁸ 'Me le shebe baithuti bao ba thutabomolimo ba koetlisitsoeng ba letsatsi leo, ba koetlisitsoeng! Khalalelo? Bophelo bo hloekileng? Re ke ke ra e bapisa le letho kajeno, kamoo ba phetseng. 'Me Molisa e Moholo o ba bitsitse eng? Ha thoe, "Le ba ntata lōna liabolosi," hobane ba ne ba sa.... Ba lemoihile Lentsoe, empa Lentsoe la letsatsi le leng, e seng Lentsoe la letsatsi *leo*.

²⁴⁹ Eféla ha ba lemoihile nako ea Nohe, ho itōketse, eo e ne e le nako ea Nohe; empa e ke ke ea sebetsa nakong ea Moshe. 'Me nako ea Moshe e ka be e sa sebetsa nakong ea Kreste. Le a bona? Nako ea Luther e ka be e sa sebetsa nakong ea Wesley. Nako ea Wesley e ke ke ea sebetsa nakong ea Pentekosta. 'Me Pentekosta e tšoantsitse seo bohole ba se entseng. Joale, ke mang ea nthusitseng matsatsing a fetileng? Ke le botsitse.

²⁵⁰ Ha leqoba la joang le mela, ke eng? Eng... ha leqoba la koro le mela. Jesu o itse, "Ekareha hlaku ea koro e sa oele mobung." Ho etsahalang ha hlaku ea koro... kapa ha koro e oela mobung? Ntho ea pele e nyolohang ke leqobanyana. Ha le—le tšoane le thollo e keneng. Shebang tlhaho. Ha e tšoane le thollo e keneng, empa ke pelesa ea Bophelo ba thollo. Se tlileng...

²⁵¹ Mosalumele eo ea sa tsoa ngolag buka e tsebjoang eo, *Molimo O Khutsitseng*, e itse, "Ho ea ka'ng ha Molimo o ka phetla Leoatle le Lefubelu, oa ntoo shebella mehleng ea likete tsa lilemo tsa mengoaha e lefifi le ho bona bana ba banyenyane ba jeoa ke litau, le batho ba fehoa lifapanong, ba bolaoa liareneng le linthong, a sa ahlamise molomo oa Oona le ka mohla?" Le a bona, Lentsoe ke tšenolo.

²⁵² Koro eo, mohla koro eo ea sebele e ne e qala tšimolohong, e sitetsoe Molimo. 'Me qetellong ha fihla Koro, mohalimisi oa Molimo oa sebele, ea halimisitseng Lentsoe lohle la Oona hofihlela E ne e le Lentsoe. Eaba Molimo o Mo neha Monyaluoia Pentekosta; empa Monyaluoia eo o oetse mobung mehleng ea mengoaha e lefifi, joalokaha koro ea mannete e entse, E ile ea oela kahare. 'Me hobaneng e sitiloe ho nka khato? Hobane e

ne e patiloe tlas'a lefatše, ea tlameha ho bola pele e ka hlahisa bophelo.

²⁵³ Empa ha hlaha mopristantana khetlo le leng, a bitsoa Martin Luther, a melisa Lentsoe le le leng la 'Nete: "Ba lōkileng ba tla phela ka tumelo," mono ha hlaha leqoba; la ntoo latéloa ke leqoba le leng, Zwingli, eaba ho latéla Calvin le Knox le ho theoha joalo.

²⁵⁴ Ntho ea pele le a tseba, ea fetola leqoba la eona, ea fetoha letšohlo. Joale, le ne le tšoana le eona ho feta-feta, empa le joale e ntse e se ntho ea mannete e oetseng mobung, teng ha hlaha Wesley. Ho Wesley ho tsoile kereke ea Methodise, ho kereke ea Methodise ho tsoile Nazarene, United Brethren, le tse joalo. E entse'ng? Ea oela hape 'me ea melisa, joale e tšoana le thollo ea mannete ea koro, Pentekosta.

²⁵⁵ Joale, shebang Jesu, ho Mattheu 24:24, "Letsatsing la boféo, mee a 'meli e tla bapa ho ka thetsang le bona Bakhethoa, hola e le ntho e ka etsoang." Joale, thollo eo ea koro ha e hlaha, sehoai sefe sa koro se e tseba e ne e tšoana le e phethahetseng, thollo ea koro. Empa ha u lula fatše u e tšoara letsohong la hao, e phetle. Ha ho koro ho eona, ke lekhapetla. Empa morao koana ka morao, tlas'a maekroskopo u bona monokonyana o sekutoana, thollo ke eo e hlaha. 'Me lekhapetla leo le lōketse ho etsa'ng? Ho sireletsa thollo, letsatsi le chesang le ka e bolaea, le sirenetsa thollo ho fihlela thollo e butsoa. 'Me mohla thollo e butsoang, lekhapetla le ikhula ho eona. Empa, na le lemohile, thollo eo e hlahang, e tlameha ho futsa mofuta oa thollo e epetsoeng mobung.

²⁵⁶ Ka mora tsoseletso ea Luther, ho tlie mokhatlo. Ka mora tsoseletso ea Wesley, ho tlie mokhatlo. Ka mora Alexander Smith, John... Alexander Campbell, John Smith, bao bohole, ho tlie mokhatlo. Ka mora Pentekosta, ho theoha hantle e tšoana le ntho ea mannete, empa ea fetoha mokhatlo. E ile ea etsa'ng? Ho ikhula.

²⁵⁷ Re ffile lilemo tse leshome le metso e mehlano tsa tsoseletso, taba e esong ho tsebjoe nalaneng eohle. 'Me le shebe, tsoseletsong ena ea lilemo tse leshome le metso e mehlano, E haola le lefatše, 'me ha ho mokhatlo o ahiloeng ho tsoa ho Eona. E ne e le kae? (E ile ea qala pula ea hoetla, ea shoela nthong ea eona...ka ho panya ha leihlo, ea eshoa.) Ha ho mokhatlo o latétseng Sena. Hobaneng? Ke thollo ka Seqo, ho ke ke ha hlola ho hlaha letho la eona. 'Me joale lekhapetla le a ikhula, ha ho tšebelisano, ha ho motho ea u batlang. Hobaneng ho le joalo? E tlameha ho ba Seo.

²⁵⁸ Hobaneng kereke eo e behiloe mono? Ho E tšehehetsa. Kae... Ke mang ea ka beng a sebelitse 'moho? Ke Baptise efe, kapa Presbeteriene, kapa Lutherane e ka beng e tšehehetsa letšolo la pholiso ea Khalalelo? Joale 'Nete ha e hlaha, ho etsahala'ng? E seng lekhapetla; empa Bophelo bo tsoa ho lekhapetla, ho kena ho thollo hantle, Bophelo ba sebele ba makonthe. Mokhatlo o

ikemela mono, o a shoa, joalokaha o entse mongoaheng o mong le o mong, o sa etsa hona hoo. Le tsoile nthong eo, lilemong tse mashome a mahlano a fetileng, le ho boela ho ona hape! Empa Bophelo ba sebele bo sala thollo morao, re nakong ea boféló, baena.

²⁵⁹ Hobaneng le ikhuletse hole? Hore le tle le ale thollo pontšeng ea Mora, ho butsoisa thollo bosootho ho butsoetsa Mongali. Hobaneng le ikhutse? E le hore, e opisa pelō, likeleli, haele moo ba sa robale pontšeng ea l-e-t-s-a-t-s-i, empa ea M-o-r-a, ho butsoisoa nqa Evangelí ea mannete e tletseng, ho bonahatsa sohle seo Jesu Kreste a se tsepisitseng ka Bibeleng. Kajeno ho tsoha 'Mele har'a batho kajeno. 'Me mekhatlo ha e sa tla hlola eba teng, e kena hantle Laodisea e ruileng. Mokhatlo o atlehisitsoe ke'ng? Limilione tsa didolara, le lisoule tse milione.

²⁶⁰ 'Me Molisa o hlahile kae? Ho lokolla baena ba Hae bokhobeng. Ha ke—ke tsebe; Molimo, e ba le rōna, re thuse. Le balisise Lentsoe! Batlisang Mangolo! Ho Oona le lekanya le na le Bophelo Bosafeleng, athe ke Oona A pakang 'Nete. Le a bona, Molimo o abetse mongoaha o mong le o mong Mantsoe a Oona. Haesale mongoaha ona . . .

²⁶¹ Jesu o itseng mohla A ttileng? O boleletse batho bao, "Lōna baikaketsi! Mabota a soeufalitoeng, 'me ba aha mabitla a baporofeta, athe ke bonata lōna ba ba kentseng teng. 'Me lōna le bara ba bontata lōna. 'Me mesebetsi ea bona, le lōna le a e etsa." E ituletse e tšoana le kamehla, baena besō.

²⁶² Empa mohla Jesu a tlang ka letsatsi le le leng, Molisa e Moholo oa linku ea tsoang Pentekosta ho haola le Luthere le mengoaha eohle, o ileng oa amohela Leseli joalokaha Le fetile har'a lipelesa (e seng ho amohela pelesa, ho amohela Leseli; le a bona, ho tsoa), O tla fihla ho lopolla. Ke thabetse ho tseba hobane O tla khutla hape. Oh, na u ka balloa le sehlopha sa Hae? Na le ka balloa? Tsela ea ho e sebetsa e 'ngoe feela, e seng ka ho ingolisa le kereke, empa ka tsoalloa ka ho Eéna. "'Me bohole bao Ntate a 'Neileng bona, ba tla tla ho 'Na, 'me ha ho motho ea ka tlang a sa bitsoe ke Ntate oa Ka pele." Le a bona, ke phetho se leng teng, ho Le amohela. O . . . Ke eona feela Neo ea Keresemose eo ke e tsebang, ke neo ea Molimo eo A e fileng lefatše, Mora oa Oona ea tsoetoeng a inotši. 'Me ke Oona, maobane, kajeno, le kamehla, Lentsoe. Le a bona? Le Mo lumele letsatsing lena, bottlalo ba Bibele.

²⁶³ Mohla liphiri tse supileng tseo . . . Morao har'a Mengoaha e Supileng ea Kereke, liphiri tse supileng li ne li patiloe. Ke ntse ke ngola buka ea Eona. Moithuti e moholo oa thutabomolimo o buile le 'na nakoana e fetileng, ho re, "Moena Branham . . ." Na le bona kamoo Satane a tlang ho leka ho le tlosa tseleng? O itse, "Moena Branham, u a tseba ke'ng? Ke lumela Morena a tla u senolela seo re leng mothating oa ho se etsa. Ke ho . . . e tla

be e le sephiri se itseng se seholo se patuoeng tlasa Litiiso tse Supileng.”

²⁶⁴ Ka re, “Che, ha se eona, moena.”

²⁶⁵ O itse, “E tla be e le ntho e sa ngoloang Lentsoeng.”

²⁶⁶ Ka re, “Che! Che! U a lebala, ‘Ekare ha e mong eketsa lentsoe le le leng, kapa a tlosa Lentsoe le le leng.’” Le a bona, E se e le teng ka mono, empa bahlabolli ba sitiloe ho E bona, ha ba phela halelele ho lekana ho E bona.

²⁶⁷ ‘Me joale mongoaha e fetile, re mona Laodisea hantle. ’Me le hopole, mongoaha oa Laodisea, O ne a eme kantle ho kereke, a kokota, a leka ho khutlela kahare: Eva o ne a ntšelitse Adama oa hae kantle. Molimo, re thus. Re mpe re tsoele kantle ho setša ho Mo fumana. Re mpe re utloisoe bohloko kantle ho likhoro le Eéna. Re mpe re kene le Eéna lefung la Hae, kepelong ea Hae, le tsohong ea Hae; hoba esale Oa maobane, kajeno, le kamehla.

²⁶⁸ Ha re bineng sefela se le seng pele re qhalana. Le ka etsa joalo? *Ke A Mo Rata*. U ka re fa lehlaso, khaitseli? Ba tsebang seo sa khale ba bakae? Ke . . . Haeba u kile oa kenela likōpano, ke a se rata.

²⁶⁹ Joale a re tutubaleng, ho nahana ka Jehova. Ha ho a fumanoa ea nang le tokelo, ha ho a fumanoa ea neng a ka khona haese Eéna. ’Me O theohile, le ho ba leseanyana. O tlie, e le mocha. A ba ’metli, monna ea sebetsang. A ba Konyana, A ba sehlabelo. A tsoha ka tlholo, Jehova. ’Me Moshe o ntšitse letsoho la hae sefubeng sa hae holim’ a pelō ea hae, Molimo o ntšitse letsoho la Oona sefubeng sa Oona (sephiri sa Oona) Mora oa Oona ea otliloeng ka lefu la sebe, le sa foleng; ho boela a Le busetsa sefubeng hape, le ho Le ntša le ho Le otlollela ho ’na le uena: “Jesu Kreste maobane, kajeno, le kamehla.”

²⁷⁰ Mo shebeng joale.

Ke a Mo rata, ke a Mo rata
Hoba A nthatile pele
Le ho lefella poloko ea ka
Sefateng sa Kalvari.

²⁷¹ Ba bakae ba tsebang e ne e tlameha e be molisa, e reng “Amen.” [Phutheho e re, “Amen.”—Mohl.] Tšoanelo! Hobaneng molisa? E ne e tlamehile. Joale re sa bina temana ena hape, isa letsoho ka nqane ho tafole. Methodise ke eo, Baptise, Lutherane, Presbeteriene, Katolike, ’me bohle, ba lutse mona bosius bona. Ho tsukutla matsoho, ho re, “Motsoalle oa mojaki, ke thabetsse ho ba le uena mona, bosius bona.” Ho bua le bona taba. Ho re, “Molimo a u hlohonolofatse,” re sa tsukutlana ka matsoho joale. Ha re boela re bina hape.

Ke . . .
 [Sekheo lebanteng—Mohl.]
 . . . poloko ea ka
 Fateng sa Kalvari.

²⁷² Joale re tutubaleng re phahamise matsoho a rōna, re Mo binele.

Ke a U rata, ke a U rata
 Hoba A nthatile pele
 Le ho lefella poloko ea ka
 Fateng sa Kalvari.

²⁷³ 'Me joale, Molimo ha o na sebopoho. Ka hona, ha re inamiseng lihlooho tsa rōna re se binele ka marameng joale, joaloka bana, le bana ba Molimo. Le se shebe seo lefatše le ka se nahantan, hona joale le a rapela, ho rapela Kreste. Inamisang lihlooho tsa lōna le se binele ka marameng. [Moena Branham le phutheho ba binela *Ke A Mo Rata* ka marameng—Mohl.]

²⁷⁴ Ha le ikutloe le batla le hohliloe na? Ekare feela . . . ntho e batla e phumutse pelaelo eohle le lefatše le tlositsoe ho uena? Na le ikutloa joalo? Phahamisang matsoho a lōna, "Ke ikutloa ke hohliloe feela ka botlalo. Ke ikutloa ke fapanie. Ke utloa feela ekare ke jele matsohong a Hae. Ke ile ka . . ." Joalokaha moena mona a pakile, "Lijo, lijo tsa Molisa, lijo tsa nku." Leo ke Lentsoe.

²⁷⁵ Linkiu tsa Molimo li ja Lijo tsa Oona, "Motho a ke ke a phela ke bohobe feela, empa le ka Lentsoe le leng le leng le tsoang molomong oa Molimo." 'Me ke eona Ena, Bibele. Re ja Lentsoe le leng le leng, e seng Mantsoe a itseng feela, empa Lentsoe le leng le leng le tsoang. Oh, na hoo ha ho le ratise Oona? Ho nahana joale hobane re ruile Bophelo Bosafeleng! Ha se hona re tlang, *joale* re bara ba Molimo. Ha se hona re tlang, *joale!* 'Me ke ho lula 'moho libakeng tsa maholimō ka *ho* Kreste Jesu. 'Me thelebishene e khōlō, e pakang ka leqhubu la ether le etsang batho (motha ea potolohang lefatšeng) e tsebjoa ka e—ke lesira la thelebishene. Lentsoe le leholo la Molimo, le Moea oa Molimo o nkang Lentsoe la Molimo, o halimisa Jesu Kreste libakeng tsa maholimō ho linku tsa Hae, hore Ke oa maobane, kajeno, le kamehla. Na ha A babatsehe? Babatseha! Molimo a le hlohonolofatse.

²⁷⁶ Joale ha re emeng nakoana feela. Na le na le motho eo le mo rapellang? Joale, hopolang, khabareng ea Keresemose, le rapele Morena Jesu. Le Mo rapele ka Matla a tsoho ea Hae. 'Me haeba nka fuoa mohau ho lōna (lōna, molisa oa lōna, kereke ea lōna, kapa ntho efe), bosiu ha bo fifale ho feta tekano, pula ha e ne ho feta tekano.

²⁷⁷ Bosiu bo bong (leleiti le eme mona) mohlang oo ke phathahane haholo, ka tšoarana le bakuli le nyee ho fihlela . . . Mosali oa lilemo tse mashome a robeli le ho hong o ne a

lahlehetsoe ke kelello ea hae, 'me a ena le...o ne a nahanne ka ho fumana lesea kapa se seng, a lahlehetsoe ke kelello. 'Me Billy, ho tsoa ofising, a ntetsetsa, ho re, "Daddy, na u ka khona?"

²⁷⁸ Ka re, "Nke ke ka khona hona joale. Batho ba teng...Ke mpa ke sa khone ho e etsa feela."

²⁷⁹ A re, "Daddy, na u ka rapela? Ke tla ba bolella u ntse u rapela."

²⁸⁰ Ka re, "E." Eaba o iphumana ka eona nako eo. A ile a khaleha, ho phaphama maemong a matle; ho ja sophoro e tletseng, ea khoho, ka kelello e pholileng. Motho o ne a eme mona nakoana e fetileng a paka ka eona.

²⁸¹ Moena Mack, ke 'mone mona nakoana e fetileng, nqa e 'ngoe ka kerekeng. O teng mona, e mong oa balisa, molisa oa lehae. Moena ea ratehang haholo, 'me ke ratile Moena Mack esale ke qala bosebeletsi bona. Ka nt oo kōpana le eéna...

²⁸² Ke le holimō koana British Columbia; ho le bontša feela kamoo Molimo o ka sebetsang tsohle ka tšoanelo. Ke ne ke se ke kaletse pere, ke tla khutlēla felleng teng ke hapetse sehlopha sa Ma-India ho Molimo; bohole ba sokolohile, ba amohetse Jesu.

²⁸³ 'Me ka seporofeto se boleletseng moshanyana oa mo-India ea lahlehetsoeng ke poni ea hae, lilemo tse peli tse fetileng, ho bolelloa ho li fumana kae, bohole ba eona, le moo poni e tla beng e eme teng. 'Mé oa hae o ne a bolaoa ke pelō. A folisitsoe 'me a pholositsue. 'Me moshanyana enoa, ka ho feta feela le ho e bona, le ho tseba hobane o...pere ea hae ea fumanoa hantle kamoo ho boletsoeng, ntho e 'ngoe le e 'ngoe.

²⁸⁴ Ha ho Lentsoe le le leng le boletsoeng ke Morena...Nka botsa mang oa lōna, "Na O kile...le Mo utloile a bolela taba, eo A ntaetseng ho le bolella eona le ka mohla, haese e hlahileng ka tšoanelo feela?" Haeba e lōkile, e reng "Amen." [Phutheho e re, "Amen."—Mohl.] Le a bona? Le a bona? Ka tšoanelo, ha Le eso hlollehe le ka mohla.

²⁸⁵ 'Me Moena Mack o ne a robetse lintšing tsa lefu, ha etsahala hore mohatsa'e a letsetse Billy...mohatsa mora oa ka, le ho bolela...ho botsa na ke hokae; leleitinyana leo le ratehang 'me...mohatsa'e. 'Me a... 'Me ngoetsi ea ka a re, "O koana British Columbia leboea letšolong la ho tsoma."

²⁸⁶ 'Me hoseng hoo, ka mokhoa o itseng, ha ke—ke—ke a khona feela ho tsoa ke kaletse pere eo. Eaba Billy o re, "Ke a kholoa nka letsetsa lapeng hape." Éaba o nyolohela palong ho letsat. 'Me ke bana ba khutla ba matha, mo-India e monyenyanne a eme mono, nthoana...ea tšoereng poni, le ho re, "Moena Mack o robetse lintšing tsa lefu, 'me o a u bitsa."

²⁸⁷ Eaba ke a tloha, ho kena merung ho rapela le ho khumama fatše. Ka re, "Molimo o ratehang, tlase koana, limaele tse likete tse tharō bophareng ba naaha, seteiting se letsatsi sa Arizona,

koana Tucson, ke moena oa ka, 'me o robetse lintšing tsa lefu. Na u tla mo thusa?"

²⁸⁸ Feela Ntho ea mpolella, "Tsohle li lōkile."

²⁸⁹ Eareha ke fihla ho Moena Mack letsatsi le leng, ho buisana le eéna, ka mo botsa, "E etsahetse horeng efe?" e le eona hora eo re rapetseng ka eona.

²⁹⁰ Oh, O...Na ha A babatsehe! Ke oa maobane, kajeno, le kamehla. Ke thabile haholo ho tseba hobane ke phela Pontšeng ea Khosi.

²⁹¹ A re inamiseng lihlooho tsa rōna joale, 'me moena ea theko e thata o teng mona, moena oa moromuo, motsoalle oa ka, setho sa Assemblies of God, moena ea theko e thata mona. Ke 'mitsa, "Creechy." O buile lintho tse hlabosang haholo. Moena Creech, ke u bitsa joalo. Ha ke tsebe seo nka se buang, u moena oa ka le mosebetsi 'moho matšoenyehong a Jesu Kreste letsatsing lena la bofélo. Molimo a u hlohonolofatse. 'Me ke kholoa Moena Tony a itse u tla qhalanya letšoele nakong ena, re sa inamisa lihlooho tsa rōna. Ho lōkile, tloo.



HOBANENG E NE E KA KHONA E BE MOLISA SST64-1221
(Why It Had To Be Shepherd)

Molaetsa wona, ka Moena William Marrion Branham, o rerilwe sethatong ka Senyesemane Mantaha mantsiboea, Tšitoe 21, 1964, bakeng sa borakefese ba Full Gospel Business Men's Fellowship International, Ramada Inn, Tucson, Arizona, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org